



Broj: 05-02-1-1757-7/24

Sarajevo, 18. 8. 2025. godine

PARLAMENTARNA SKUPŠTINA BiH

- Zastupnički dom -

- Dom naroda -

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20-08-2025			
Organizaciona jedinica	Klasifikaciona oznaka	Redni broj	Broj priloga
01,02	02-1	1858/25	

12¹⁰
B

PREDMET: Prijedlog zakona o zaštiti poslovne tajne
kao prava intelektualnog vlasništva, *dostavlja se*

Poštovani,

Vijeće ministara Bosne i Hercegovine, na 82. sjednici, održanoj 16.6.2025. godine, na prijedlog Instituta za intelektualno vlasništvo Bosne i Hercegovine, usvojilo je Prijedlog zakona o zaštiti poslovne tajne kao prava intelektualnog vlasništva, te je zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po skraćenom zakonodavnom postupku.

U opredjeljenju da se razmatranje i usvajanje Prijedloga zakona o zaštiti poslovne tajne kao prava intelektualnog vlasništva predloži po skraćenom postupku, Vijeće ministara Bosne i Hercegovine uvažilo je navode Instituta za intelektualno vlasništvo Bosne i Hercegovine da se Prijedlog navedenog zakona označi oznakom „P.Z.E.I.“, kako bi isti bio razmatran po skraćenom zakonodavnom postupku, sukladno odredbama članka 134. stavak (1) Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) i članka 125. stavak (1) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24).

U svezi prednje navedenog, u privitku dostavljamo Prijedlog zakona o zaštiti poslovne tajne kao prava intelektualnog vlasništva, na bosanskom, hrvatskom i srpskom jeziku te latiničnom i ćiriličnom pismu, kao i njegovu elektroničku verziju.

Istovremeno, dostavljamo Obavjest o zaključku Vijeća ministara Bosne i Hercegovine, broj: 05-07-1-1434-1/25 od 18.6.2025. godine, obrazloženje Prijedloga zakona, Obrazac broj 1 – prethodne procjene učinka propisa i Obrazac 2a o fiskalnoj procjeni, sukladno Jedinstvenim pravilima za izradu pravnih propisa u institucijama Bosne i Hercegovine, pribavljena mišljenja nadležnih institucija: Ureda za zakonodvstvo Vijeća ministara Bosne i Hercegovine, Ministarstva financija i trezora Bosne i Hercegovine, Ministarstva pravde Bosne i Hercegovine, Ministarstva za ljudska prava i izbjeglice Bosne i Hercegovine, Direkcije za europske integracije Vijeća ministara Bosne i Hercegovine i Agencije za zaštitu osobnih podataka u Bosne i Hercegovine.


S poštovanjem,

Privitak: - Kao u tekstu -

Dostaviti:

- naslovu
- a/a

GENERALNI TAJNIK
VIJEĆA MINISTARA BiH
mr. Robert Vidović



„P.Z.E.I.“

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na __ sjednici Predstavničkog doma održanoj __ 202_. godine i na __ sjednici Doma naroda, održanoj __ 202_., usvojila je

**ZAKON
O ZAŠTITI POSLOVNE TAJNE
KAO PRAVA INTELEKTUALNOG VLASNIŠTVA**

DIO PRVI - UVODNE ODREDBE

Član 1.

(Predmet Zakona)

- (1) Ovim zakonom uređuju se pretpostavke pravne zaštite i pravila postupka za zaštitu poslovne tajne kao prava intelektualnog vlasništva (u daljnjem tekstu: poslovna tajna) od nezakonitog pribavljanja, korištenja i otkrivanja.
- (2) Ovim zakonom vrši se usklađivanje s Direktivom (EU) 2016/943 Evropskog parlamenta i Vijeća od 8. juna 2016. o zaštiti neotkrivenih znanja i iskustva (know-how) i poslovnih informacija (poslovnih tajni) protiv njihovog neovlaštenog pribavljanja, i Direktivom 2004/48 od 29. aprila 2004. o provođenju prava intelektualnog vlasništva.
- (3) Navođenje odredbi direktiva iz stava (2) ovog člana vrši se isključivo u svrhu praćenja i informisanja o preuzimanju pravne stečevine Evropske unije u zakonodavstvo Bosne i Hercegovine (u daljnjem tekstu: BiH).

Član 2.

(Upotreba izraza u muškom i ženskom rodu)

Riječi koje su radi preglednosti u ovom zakonu navedene u jednom rodu bez diskriminacije se odnose i na muški i na ženski rod.

Član 3.

(Značenje izraza)

- (1) Pojedini izrazi upotrijebljeni u ovom zakonu imaju sljedeća značenja:
 - a) poslovnom tajnom smatraju se informacije koje ispunjavaju sljedeće uslove:
 - 1) predstavljaju tajnu jer nisu u cjelini ili u pogledu strukture i skupa njihovih sastavnih dijelova općepoznate ili lako dostupne licima koja u okviru svojih aktivnosti uobičajeno dolaze u kontakt s takvom vrstom informacija,
 - 2) imaju komercijalnu vrijednost jer predstavljaju tajnu,
 - 3) lice koje ih zakonito kontrolira je u datim okolnostima poduzelo razumne mjere kako bi sačuvalo njihovu tajnost;
 - b) nosilac poslovne tajne je fizičko ili pravno lice pod čijom je zakonitom kontrolom poslovna tajna;
 - c) povredilac poslovne tajne je fizičko ili pravno lice koje je nezakonito pribavilo, koristilo ili otkrilo poslovnu tajnu;
 - d) lice za koje se sumnja da je povrijedilo poslovnu tajnu je fizičko ili pravno lice za koje se sumnja da je nezakonito pribavilo, koristilo ili otkrilo poslovnu tajnu;
 - e) roba kojom je počinjena povreda je roba čiji su dizajn, karakteristike, način funkcionisanja, postupak proizvodnje ili način stavljanja u promet u značajnoj mjeri ostvareni zahvaljujući poslovnoj tajni koja je nezakonito pribavljena, korištena ili otkrivena;
 - f) mjesno nadležan je sud u čijoj je stvarnoj nadležnosti zaštita industrijskog vlasništva, autorskog prava i srodnih prava i drugih prava intelektualnog vlasništva.
- (2) Informacije iz stava (1) tačke a) ovog člana obuhvataju, između ostalog, znanje i iskustvo i tehnološke informacije.
- (3) Razumnim mjerama za očuvanje tajnosti informacija iz stava (1) tačke a) alineje 3) ovog člana smatraju se, između ostalog, izrada internog akta o rukovanju poslovnom tajnom i krugu lica i njihovim pravima i obavezama prilikom rukovanja poslovnom tajnom, mjere fizičke ili elektronske zaštite pristupa i rukovanja poslovnom tajnom, označavanje dokumenata oznakom "poslovna tajna" ili sličnom oznakom koja upućuje na to da se radi o poslovnoj tajni, ograničavanje pristupa prostorijama i datotekama u kojima se nalaze informacije koje se smatraju poslovnom tajnom ili zaključivanje ugovora o povjerljivosti, odnosno neotkrivanju povjerljivih informacija s licima koja potencijalno mogu doći u posjed poslovne tajne, uključujući zaposlene, poslovne partnere, vanjske saradnike i konsultante, odnosno potpisivanje izjava o povjerljivosti ili neotkrivanju povjerljivih informacija od strane navedenih lica.

Član 4.

(Primjena drugih propisa)

- (1) U postupcima građanskopravne zaštite poslovne tajne i postupcima po prijedlogu za određivanje privremene mjere i prijedlogu za određivanje osiguranja dokaza na odgovarajući način se primjenjuju odredbe zakona kojim se uređuje parnični postupak i zakona kojim se uređuje izvršni postupak, osim ako ovim zakonom nije drugačije određeno.
- (2) Na pitanja u vezi s naknadom štete prouzrokovane nezakonitim pribavljanjem, korištenjem ili otkrivanjem poslovne tajne, a koja ovim zakonom nisu posebno uređena, na odgovarajući način se primjenjuju odredbe zakona kojim se uređuju obavezni odnosi.

DIO DRUGI - PRIBAVLJANJE, KORIŠTENJE I OTKRIVANJE POSLOVNE TAJNE

Član 5.

(Zakonito pribavljanje, korištenje i otkrivanje poslovne tajne)

- (1) Pribavljanje poslovne tajne smatra se zakonitim ako je poslovna tajna pribavljena na jedan od sljedećih načina:
 - a) nezavisnim otkrićem ili stvaranjem;
 - b) posmatranjem, proučavanjem, rastavljanjem ili testiranjem proizvoda ili predmeta koji je učinjen dostupnim javnosti ili koji je zakonito u posjedu pribavioca informacije (reverzibilni inženjering) koji nije vezan pravno važećom obavezom da ograniči pribavljanje poslovne tajne ili koji nije vezan pravno važećom obavezom zabrane vršenja reverzibilnog inženjeringa;
 - c) ostvarivanjem prava zaposlenih ili predstavnika zaposlenih na informisanje i konsultiranje u skladu s posebnim propisima;
 - d) drugom radnjom koja je u okolnostima konkretnog slučaja u skladu s dobrim poslovnim običajima.
- (2) Pribavljanje, korištenje ili otkrivanje poslovne tajne smatra se zakonitim u mjeri u kojoj je zahtijevano ili dopušteno posebnim propisima.

Član 6.

(Nezakonito pribavljanje, korištenje i otkrivanje poslovne tajne)

- (1) Pribavljanje poslovne tajne bez saglasnosti nosioca poslovne tajne smatra se nezakonitim ako je učinjeno na sljedeći način:
 - a) neovlaštenim pristupom, prisvajanjem ili umnožavanjem dokumenata, predmeta,

- materijala, supstanci ili elektronskih datoteka koji su pod zakonitom kontrolom nosioca poslovne tajne, a sadrže poslovnu tajnu, ili se poslovna tajna iz njih može izvesti, ili
- b) drugim postupanjem za koje se, u datim okolnostima, smatra da je u suprotnosti s dobrim poslovnim običajima.
- (2) Korištenje ili otkrivanje poslovne tajne smatra se nezakonitim ako ga bez saglasnosti nosioca poslovne tajne vrši lice za koje se ustanovi da je:
- a) poslovnu tajnu pribavilo nezakonito;
 - b) prekršilo sporazum o povjerljivosti ili drugu obavezu koja se odnosi na zabranu otkrivanja poslovne tajne;
 - c) prekršilo ugovornu ili drugu obavezu kojom se ograničava korištenje poslovne tajne.
- (3) Pribavljanje, korištenje ili otkrivanje poslovne tajne smatra se nezakonitim i ako je lice u trenutku pribavljanja, korištenja ili otkrivanja znalo ili je u datim okolnostima moralo znati da je poslovna tajna pribavljena direktno ili indirektno od drugog lica koje je poslovnu tajnu nezakonito koristilo ili otkrilo u smislu stava (2) ovog člana.
- (4) Nezakonitim korištenjem poslovne tajne smatra se i proizvodnja, nuđenje ili stavljanje u promet robe kojom je počinjena povreda, odnosno uvoz, izvoz ili skladištenje robe kojom se čini povreda u svrhe proizvodnje, nuđenja ili stavljanja robe u promet, ako je lice koje je obavljalo navedene aktivnosti znalo ili je u datim okolnostima moralo znati da je poslovna tajna korištena nezakonito u smislu stava (2) ovog člana.

DIO TREĆI - GRADANSKOPRAVNA ZAŠTITA

Član 7.

(Tužba zbog povrede poslovne tajne)

- (1) U slučaju povrede poslovne tajne nosilac poslovne tajne može kod nadležnog suda tužbom zahtijevati:
- a) utvrđivanje povrede;
 - b) prestanak povrede ili, u zavisnosti od slučaja, zabranu korištenja ili otkrivanja poslovne tajne;
 - c) zabranu proizvodnje, nuđenja, stavljanja u promet ili korištenja robe kojom je počinjena povreda, odnosno zabranu uvoza, izvoza ili skladištenja robe kojom je počinjena povreda u svrhe proizvodnje, nuđenja, stavljanja u promet ili korištenja robe;
 - d) određivanje odgovarajućih mjera koje se odnose na robu kojom je počinjena povreda, koje obuhvataju povlačenje takve robe s tržišta, uklanjanje s robe svojstava koja je čine robom kojom je počinjena povreda poslovne tajne ili uništenje robe kojom je počinjena povreda, odnosno ako je to opravdano, njeno povlačenje s tržišta, pod uslovom da se povlačenjem robe ne ugrožava zaštita

- poslovne tajne na koju se tužba odnosi;
- e) uništenje u cjelini ili djelimično dokumenata, predmeta, materijala, supstanci ili elektronskih dokumenata koji sadrže poslovnu tajnu ili koji sami predstavljaju poslovnu tajnu ili, ako je primjereno, predaju tih dokumenata, predmeta, materijala, supstanci ili elektronskih dokumenata u cjelini ili djelimično tužiocu.
- (2) Protiv lica čije neovlašteno preduzimanje određene radnje predstavlja neposrednu prijetnju da će nezakonito pribaviti, koristiti ili otkriti poslovnu tajnu, nosilac poslovne tajne može tužbom zahtijevati prestanak preduzimanja te radnje i zabranu nezakonitog pribavljanja, korištenja ili otkrivanja poslovne tajne.
- (3) Tužbeni zahtjevi iz st. (1) i (2) ovog člana mogu se podnijeti i protiv posrednika koji pruža usluge koje treće lice koristi u radnjama kojima nezakonito pribavlja, koristi ili otkriva poslovnu tajnu, odnosno čije preduzimanje predstavlja neposrednu prijetnju za nezakonito pribavljanje, korištenje ili otkrivanje poslovne tajne.
- (4) Kada tužilac traži da se s tržišta povuče roba kojom je izvršena povreda, on može zahtijevati da se roba preda nosiocu poslovne tajne ili dobrotvornim organizacijama.
- (5) Mjere iz stava (1) tač. d) i e) ovog člana obavljaju se o trošku povredioca poslovne tajne, osim ako sud odredi drugačije.
- (6) Osim nosioca poslovne tajne, tužbu iz st. (1) i (2) ovog člana može podnijeti i sticalac licence, ako je za to ovlašten na osnovu ugovora ili zakona.

Član 8.

(Rok za podnošenje tužbe)

- (1) Tužba zbog povrede poslovne tajne može se podnijeti u roku od godinu dana od dana kada je tužilac saznao za povredu i lice za koje se sumnja da je povrijedilo poslovnu tajnu, a najkasnije u roku od tri godine od dana učinjene povrede ili od dana posljednje učinjene povrede ako se povreda vrši kontinuirano.
- (2) Postupak po tužbi iz stava (1) ovog člana je hitan.

Član 9.

(Odlučivanje o tužbenim zahtjevima)

- (1) Prilikom odlučivanja o tužbenim zahtjevima iz člana 6. ovog zakona sud će paziti da naložene mjere budu u srazmjeri s prirodom i intenzitetom povrede, pri čemu vodi računa o posebnim okolnostima slučaja, koje mogu uključivati:
- a) vrijednost i druge karakteristične osobine poslovne tajne;
 - b) mjere preduzete radi zaštite poslovne tajne;
 - c) ponašanje lica koje je povrijedilo poslovnu tajnu prilikom pribavljanja, korištenja ili otkrivanja poslovne tajne;
 - d) posljedice nezakonitog korištenja ili otkrivanja poslovne tajne;
 - e) opravdane interese stranaka i posljedice čije bi usvajanje ili odbijanje tužbenog zahtjeva moglo imati na njih;
 - f) opravdane interese trećih lica;
 - g) javni interes;
 - h) zaštitu osnovnih prava.
- (2) Ako sud ograniči trajanje mjera naloženih na osnovu tužbenih zahtjeva iz člana 7. stava (1) tač. b) i c) ovog zakona, to trajanje mora biti dovoljno za uklanjanje svake trgovinske ili privredne prednosti koju bi treće lice koje je povrijedilo poslovnu tajnu moglo ostvariti nezakonitim pribavljanjem, korištenjem ili otkrivanjem poslovne tajne.
- (3) Mjere naložene na osnovu tužbenih zahtjeva iz člana 7. stava (1) tač. b) i c) ovog zakona ukinut će se, na zahtjev lica koje je povrijedilo poslovnu tajnu, ako informacije na koje se tužbeni zahtjevi odnose više ne ispunjavaju uslove iz člana 3. stava (1) tačke a) ovog zakona, iz razloga za koje lice koje je povrijedilo poslovnu tajnu nije neposredno ili posredno odgovorno.
- (4) Sud može na zahtjev lica koje je povrijedilo poslovnu tajnu, vodeći računa o okolnostima slučaja, umjesto mjera naloženih na osnovu tužbenih zahtjeva iz člana 7. ovog zakona, naložiti plaćanje novčane naknade oštećenoj stranci, ako su ispunjeni sljedeći uslovi:
- a) lice koje je povrijedilo poslovnu tajnu u trenutku korištenja ili otkrivanja poslovne tajne nije znalo, niti je u datim okolnostima moralo znati da je poslovna tajna pribavljena od drugog lica koje je poslovnu tajnu nezakonito koristilo ili otkrilo;
 - b) izvršavanjem mjera iz člana 7. ovog zakona bi se nanijela nesrazmjerna šteta licu koje je povrijedilo poslovnu tajnu.
- (5) Ako umjesto mjera naloženih na osnovu tužbenih zahtjeva iz člana 7. stava (1) tač. b) i c) ovog zakona sud dosudi plaćanje novčane naknade, ona ne smije premašiti iznos naknade koju bi lice koje je povrijedilo poslovnu tajnu platilo da je zakonito koristilo poslovnu

tajnu za period u kojem korištenje poslovne tajne nije bilo dozvoljeno.

Član 10.

(Naknada štete)

- (1) Protiv lica koje je povrijedilo poslovnu tajnu, a koje je znalo ili je moralo znati da učestvuje u nezakonitom pribavljanju, korištenju ili otkrivanju poslovne tajne, nosilac poslovne tajne, odnosno sticatelj licence može tužbom zahtijevati naknadu štete u skladu s ovim zakonom i prema općim pravilima o naknadi štete.
- (2) Prilikom određivanja visine naknade štete sud uzima u obzir sve okolnosti slučaja, kao što su negativne ekonomske posljedice koje je pretrpio nosilac poslovne tajne, odnosno sticatelj licence, koje obuhvataju običnu štetu, izmaklu korist i korist koju je povredom poslovne tajne ostvarilo lice koje je povrijedilo poslovnu tajnu.
- (3) Ako sud ne može utvrditi visinu naknade štete u skladu sa stavom (2) ovog člana, uzet će u obzir visinu naknade koju bi lice koje je povrijedilo poslovnu tajnu platilo za zakonito korištenje poslovne tajne.

Član 11.

(Objavljivanje presude)

- (1) Nosilac poslovne tajne može tužbom zahtijevati da pravosnažna presuda kojom su u cjelini ili djelomično prihvaćeni tužbeni zahtjevi iz čl. 7. i 10. ovog zakona bude objavljena u cjelini ili djelomično u sredstvima javnog informisanja o trošku tuženog.
- (2) Ako sud odluči da se objavi samo dio presude, u granicama tužbenog zahtjeva će odrediti da se objavi izreka i dio presude iz kojeg je vidljivo kakva je povreda učinjena.
- (3) Prilikom donošenja odluke da li će odrediti mjeru objavljivanja presude i procjenjivanja njene srazmjere prema učinjenoj povredi sud uzima u obzir vrijednost poslovne tajne, postupanje lica koje je povrijedilo poslovnu tajnu prilikom pribavljanja, korištenja ili otkrivanja poslovne tajne, posljedice nezakonitog korištenja ili otkrivanja poslovne tajne i vjerovatnoću da će lice koje je povrijedilo poslovnu tajnu ponovo nezakonito koristiti ili otkriti poslovnu tajnu. Sud također uzima u obzir da li informacije o licu koje je povrijedilo poslovnu tajnu sadrže podatke o ličnosti fizičkog lica i da li bi objavljivanje takvih informacija bilo opravdano, posebno imajući u vidu moguću štetu koju bi objavljivanje moglo prouzrokovati za privatnost i ugled tog fizičkog lica.

- (4) Objavljivanje presude u smislu ovog člana mora biti učinjeno na način da se očuva povjerljivost poslovne tajne u skladu s članom 20. ovog zakona.

Član 12.

(Privremene mjere)

- (1) Na prijedlog nosioca poslovne tajne koji učini vjerovatnim da poslovna tajna postoji, da je on nosilac poslovne tajne i da je došlo ili će doći do nezakonitog pribavljanja, korištenja ili otkrivanja poslovne tajne, sud može odrediti privremenu mjeru:
- a) prestanka ili zabrane korištenja ili otkrivanja poslovne tajne;
 - b) zabrane proizvodnje, nuđenja, stavljanja u promet ili korištenja robe kojom je počinjena povreda, odnosno zabranu uvoza, izvoza ili skladištenja robe kojom je počinjena povreda u svrhe proizvodnje, nuđenja, stavljanja u promet ili korištenja robe;
 - c) oduzimanja robe za koju se sumnja da je njom počinjena povreda, uključujući i uvezenu robu, kako bi se spriječilo njeno stavljanje u promet i njen promet.
- (2) Umjesto određivanja mjera iz stava (1) ovog člana, sud može dozvoliti licu za koje se sumnja da je povrijedilo poslovnu tajnu da nastavi da koristi poslovnu tajnu pod uslovom da položi garanciju radi osiguranja naknade štete nosiocu poslovne tajne. Polaganjem garancije ne ostvaruje se pravo na otkrivanje poslovne tajne.
- (3) Prilikom odlučivanja o prijedlogu za određivanje privremene mjere, sud uzima u obzir i posebne okolnosti slučaja iz člana 9. stava (1) ovog zakona.
- (4) Privremenu mjeru prestanka ili zabrane korištenja ili otkrivanja poslovne tajne sud može odrediti i protiv posrednika čije usluge koriste treća lica da bi nezakonito pribavila, koristila ili otkrila poslovnu tajnu.
- (5) Na prijedlog nosioca poslovne tajne koji učini vjerovatnim da je poslovna tajna nezakonito pribavljena, korištena ili otkrivena u obavljanju djelatnosti, radi pribavljanja privredne ili ekonomske koristi, kao i da mu zbog takve povrede prijeti nenadoknativa šteta, osim privremene mjere iz stava (1) ovog člana sud može odrediti i:
- a) zapljenu pokretnih i nepokretnih stvari lica protiv kojeg se predlaže određivanje privremene mjere;
 - b) zabranu isplate novčanih sredstava sa računa lica protiv kojeg se predlaže određivanje privremene mjere.

- (6) Radi određivanja privremene mjere iz stava (5) ovog člana sud može naložiti dostavljanje bankarskih, finansijskih, poslovnih ili drugih dokumenata i podataka ili naložiti da se omogući pristup tim dokumentima i podacima. Sud je dužan osigurati čuvanje tajnosti navedenih podataka.
- (7) Lice kojem je određena privremena mjera zabrane iz stava (1) tač. a) i b) i stava (5) tačke b) ovog člana, odnosno kojem je dat nalog iz stava 7. ovog člana, a koje ne postupi po zabrani, odnosno nalogu, kaznit će se u skladu s odredbama zakona kojim se uređuje izvršni postupak.
- (8) Sud može odrediti privremenu mjeru odmah po prijemu prijedloga za određivanje privremene mjere i bez prethodnog izjašnjenja protivne stranke, a naročito ako postoji opasnost da zbog odgađanja predlagač pretrpi nenadoknadivu štetu.
- (9) Rješenje kojim je određena privremena mjera, u slučaju iz stava (8) ovog člana, dostavit će se strankama u postupku bez odgađanja, a najkasnije po provođenju mjere.

Član 13.

(Ukidanje privremene mjere i naknada štete)

- (1) Ako je privremena mjera određena prije pokretanja parničnog postupka, tužba za pokretanje postupka zbog povrede poslovne tajne mora se podnijeti u roku od 30 dana od dana dostavljanja rješenja o određivanju privremene mjere.
- (2) Ako tužba zbog povrede poslovne tajne ne bude podnesena u roku iz stava (1) ovog člana, sud će na prijedlog lica protiv kojeg je privremena mjera određena obustaviti postupak i ukinuti provedene radnje.
- (3) Ako je privremena mjera određena bez izjašnjenja protivne stranke u slučaju iz člana 12. stava (8) ovog zakona, sud će u razumnom roku omogućiti protivnoj stranci da se izjasni o privremenoj mjeri, nakon čega može obustaviti postupak i ukinuti provedene radnje ili izmijeniti određenu mjeru.
- (4) Ako postupak bude obustavljen i provedene radnje budu ukinute u skladu sa st. (2) i (3) ovog člana, ili ako sud utvrdi da povreda prava nije učinjena ili da nije postojala ozbiljna prijetnja da će pravo biti povrijeđeno, lice protiv kojeg je određena privremena mjera ima pravo na naknadu štete koja mu je nanesena privremenom mjerom.
- (5) Sud može uslovljavati određivanje privremene mjere polaganjem odgovarajuće garancije kao sredstva osiguranja za štetu koja bi licu protiv kojeg se privremena mjera predlaže mogla biti nanesena određivanjem i provođenjem privremene mjere.

Član 14.

(Pribavljanje dokaza)

- (1) Kada se stranka u parničnom postupku poziva na isprave ili druge dokaze koji su određeni ili određivi i tvrdi da se oni nalaze u posjedu druge stranke ili trećeg lica ili su im dostupni, sud će ta lica pozvati da u određenom roku podnesu isprave, odnosno dokaze, pod uslovom da povjerljive informacije budu zaštićene.
- (2) U prijedlogu za pribavljanje dokaza stranka mora učiniti vjerovatnim da se ti dokazi nalaze kod druge stranke ili trećeg lica, odnosno da su im dostupni.
- (3) Pod uslovima iz stava (1) ovog člana, u slučaju da je pravo povrijeđeno u obavljanju privredne djelatnosti, sud će, na prijedlog stranke koja se poziva na dokaze koji se nalaze u posjedu druge stranke ili trećeg lica ili su im dostupni, pozvati drugu stranku ili treće lice da dostavi bankarske, finansijske i poslovne dokumente koji se nalaze u njihovom posjedu ili koji su im dostupni, pod uslovom da povjerljive informacije budu zaštićene.

Član 15.

(Osiguranje dokaza)

- (1) Na prijedlog nosioca poslovne tajne koji učini vjerovatnim da poslovna tajna postoji, da je on nosilac poslovne tajne i da je došlo ili će doći do nezakonitog pribavljanja, korištenja ili otkrivanja poslovne tajne, sud može u toku, kao i prije pokretanja parničnog postupka, odrediti osiguranje dokaza, pod uslovom da povjerljive informacije budu zaštićene.
- (2) Osiguranjem dokaza, u smislu stava (1) ovog člana, smatra se:
 - a) uzimanje detaljnog opisa predmeta kojima se povređuje poslovna tajna, s uzimanjem ili bez uzimanja uzoraka tih predmeta;
 - b) oduzimanje predmeta ili dijela predmeta kojim se povređuje poslovna tajna, a ako je to opravdano, i oduzimanje dokumenata, materijala i predmeta (pribor, alat) pretežno upotrijebljenih u stvaranju ili stavljanju u promet predmeta kojima se povređuje poslovna tajna;
 - c) pregled prostorija, vozila, knjiga, dokumenata i baza podataka;
 - d) ispitivanje svjedoka i sudskih vještaka.

- (3) Kada je osiguranje dokaza određeno prije pokretanja parničnog postupka, tužba zbog povrede poslovne tajne se mora podnijeti u roku od 30 dana od dana dostavljanja rješenja kojim se usvaja prijedlog za osiguranje dokaza.
- (4) Licu od kojeg se dokazi prikupljaju, sudsko rješenje kojim se usvaja prijedlog za osiguranje dokaza dostavlja se u trenutku prikupljanja dokaza, a odsutnom licu se dostavlja u skladu sa članom 18. ovog zakona.

Član 16.

(Postupak za osiguranje dokaza)

- (1) Sud može odrediti osiguranje dokaza odmah po prijemu prijedloga za osiguranje dokaza i bez izjašnjenja protivne stranke, a naročito ako postoji opasnost da zbog odgađanja predlagač pretrpi nenadoknadivu štetu, ili da se neki dokaz neće moći izvesti ili da će njegovo kasnije izvođenje biti otežano.
- (2) Rješenje kojim se usvaja prijedlog za osiguranje dokaza, u slučaju iz stava (1) ovog člana, dostavit će se strankama u postupku bez odgađanja.
- (3) Ako tužba zbog povrede poslovne tajne ne bude podnesena u roku od 30 dana od dana dostavljanja rješenja kojim se usvaja prijedlog za osiguranje dokaza, sud će na prijedlog lica od kojeg se dokazi pribavljaju obustaviti postupak i ukinuti provedene radnje.
- (4) Ako je osiguranje dokaza određeno bez izjašnjenja protivne stranke, sud će u razumnom roku, **ne dužem od dva mjeseca**, omogućiti toj stranci da se izjasni o rješenju kojim se usvaja prijedlog za osiguranje dokaza, nakon čega može obustaviti postupak i ukinuti provedene radnje, ili da izmijeni određeno osiguranje dokaza.
- (5) Ako postupak bude obustavljen i provedene radnje budu ukinute, ili ako sud utvrdi da povreda prava nije učinjena, ili da nije postojala ozbiljna prijetnja da će pravo biti povrijeđeno, stranka protiv koje je određeno osiguranje dokaza ima pravo na naknadu štete koja joj je nanesena osiguranjem dokaza.
- (6) Sud može uslovljavati usvajanje prijedloga za osiguranje dokaza polaganjem odgovarajuće garancije kao sredstva osiguranja za štetu koja bi protivnoj stranci mogla biti nanesena osiguranjem dokaza.

Član 17.

(Obaveza pružanja informacija)

- (1) Sud može, na opravdan i obrazložen zahtjev lica čije je pravo povrijeđeno, naložiti licu koje je povrijedilo poslovnu tajnu da pruži informacije o trećim licima koja su učestvovala u povredi poslovne tajne i o njihovim distributivnim kanalima, ili da preda dokumente koji su u vezi s povredom poslovne tajne.
- (2) Osim lica koje je povrijedilo poslovnu tajnu, pružanje informacija i predaju dokumenata iz stava (1) ovog člana sud može naložiti i licu:
 - a) kod kojeg je pronađena roba kojom se u obavljanju privredne djelatnosti povređuje poslovna tajna;
 - b) koje u obavljanju privredne djelatnosti koristi usluge kojima se povređuje poslovna tajna;
 - c) koje u obavljanju privredne djelatnosti pruža usluge koje se koriste u aktivnostima kojima se povređuje poslovna tajna;
 - d) koje je od lica iz tač. a), b) ili c) ovog stava navedeno kao lice uključeno u proizvodnju ili distribuciju roba ili pružanje usluga kojima se povređuje poslovna tajna.
- (3) Pod informacijama iz stava (1) ovog člana smatraju se naročito:
 - a) podaci o proizvođačima, distributerima, dobavljačima i drugim licima koja su bila uključena u proizvodnju ili distribuciju robe ili pružanje usluga, kao i o prodavačima kojima je roba namijenjena;
 - b) podaci o količinama proizvedene, isporučene ili naručene robe ili usluga, kao i o cijenama naplaćenim za tu robu ili usluge.
- (4) Ako lica iz st. (1) i (2) ovog člana iz opravdanih razloga ne postupe po nalogu suda i ne pruže tražene informacije ili ne predaju dokumente, neće odgovarati za štetu koja na taj način nastane.
- (5) Propisi kojima se uređuje način korištenja povjerljivih podataka u građanskim i krivičnim postupcima, propisi kojima se uređuje odgovornost za zloupotrebu prava na dobijanje informacija, kao i propisi kojima se uređuje zaštita ličnih podataka, primjenjuju se na obavezu pružanja informacija u skladu s odredbama ovog člana.

Član 18.

(Dostavljanje)

- (1) Podnesci i odluke u sudskom postupku koje se odnose na nezakonito pribavljanje, korištenje ili otkrivanje poslovne tajne, ne dostavljaju se putem oglasne table.
- (2) Sud će u slučaju neuspješnog dostavljanja pozvati stranku putem oglasne table da u roku od osam dana od dana objavljivanja poziva neposredno u sudu preuzme podnesak ili odluku.
- (3) Ako u roku iz stava (2) ovog člana stranka ne preuzme podnesak ili odluku, smatrat će se da je dostavljanje izvršeno istekom osmog dana od dana objavljivanja poziva za preuzimanje podneska ili odluke na oglasnoj tabli suda.

Član 19.

(Izuzeci)

Odredbe ovog zakona o mjerama, pravnim sredstvima i postupcima ne primjenjuju se u sljedećim slučajevima:

- a) radi ostvarivanja prava na slobodu izražavanja i obaviještenost, u skladu s Ustavom Bosne i Hercegovine, Evropskom konvencijom za zaštitu ljudskih prava i osnovnih sloboda i presudama Evropskog suda za ljudska prava, zakonima kojima se uređuje sloboda pristupa informacijama, kao i zakonima kojima se uređuju javno informisanje i mediji, a u skladu sa slobodom i vrstama medija, pod uslovom da se radi o zaštiti općeg javnog interesa;
- b) radi otkrivanja kažnjivih djela i drugih nezakonitih radnji, pod uslovom da je lice koje je pribavilo, koristilo ili otkrilo poslovnu tajnu djelovalo u svrhu zaštite javnog interesa;
- c) radi otkrivanja poslovne tajne od strane zaposlenih njihovim predstavnicima u okviru zakonitog vršenja funkcije predstavnika, u skladu s posebnim propisima, pod uslovom da je otkrivanje poslovne tajne bilo neophodno za zakonito vršenje funkcije predstavnika;
- d) u cilju zaštite prava priznatih posebnim zakonom, ili
- e) u vezi sa pružanjem pravne pomoći advokata i zastupnika u oblasti intelektualnog vlasništva u skladu s propisima kojima se uređuju oblast advokature i oblast zastupanja u oblasti intelektualnog vlasništva.

Član 20.

(Očuvanje tajnosti u vezi sa sudskim postupkom)

- (1) Stranke, njihovi advokati ili drugi zastupnici, sudski službenici, svjedoci, vještaci i druga lica koja učestvuju u sudskom postupku zbog nezakonitog pribavljanja, korištenja ili otkrivanja poslovne tajne ili koja imaju pristup dokumentima koji su sastavni dio sudskog postupka, ne smiju koristiti ili otkriti poslovnu tajnu ili informaciju koja može predstavljati poslovnu tajnu koju je sud, na obrazložen zahtjev zainteresirane stranke, utvrdio kao povjerljivu i za koju su ta lica saznala zbog učestvovanja u sudskom postupku.
- (2) Lica iz stava (1) ovog člana dužna su da čuvaju poslovnu tajnu i nakon okončanja sudskog postupka.
- (3) Obaveza iz stava (2) ovog člana prestaje:
 - a) ako se pravosnažnom odlukom suda utvrdi da informacija koja može predstavljati poslovnu tajnu ne ispunjava uslove utvrđene u članu 3. stavu (1) tački a) ovog zakona, ili
 - b) ako informacije koje čine poslovnu tajnu tokom vremena postanu općepoznate ili lako dostupne licima koja se uobičajeno bave tom vrstom informacija.
- (4) Sud na obrazloženi zahtjev stranke može odrediti posebne mjere za očuvanje tajnosti poslovne tajne ili informacije koja može predstavljati poslovnu tajnu koja se koristi ili na koju se upućuje u toku sudskog postupka koji se odnosi na nezakonito pribavljanje, korištenje ili otkrivanje poslovne tajne.
- (5) Mjere iz stava (4) ovog člana su:
 - a) isključenje javnosti iz cijelog sudskog postupka ili dijela postupka;
 - b) ograničenje broja lica koja imaju, u cjelini ili djelomično, pristup dokumentima koje su podnijele stranke u postupku ili treća lica, a koji sadrže poslovnu tajnu ili informaciju koja može predstavljati poslovnu tajnu. Sud će upozoriti lica kojima je dozvolio pristup dokumentima na obavezu čuvanja tajnosti podataka iz stava (1) ovog člana;
 - c) ograničenje broja lica koja prisustvuju ročištima na kojima bi se poslovna tajna ili informacija koja može predstavljati poslovnu tajnu mogla otkriti, kao i ograničenje pristupa zapisniku s tih ročišta;

- d) zabrana da se sudska odluka, u kojoj odlomci koji sadrže poslovnu tajnu nisu uklonjeni ili učinjeni nečitljivim, učini dostupnom licima koja nisu lica iz tač. b) i c) ovog stava.
- (6) Broj lica iz stava (5) tač. b) i c) ovog člana ne smije biti veći od broja koji je potreban da bi se osiguralo pravo stranke na stručnu pomoć i na pravično suđenje.
- (7) Prilikom odlučivanja o mjerama iz stava (5) ovog člana i procjene njihove opravdanosti, sud uzima u obzir potrebu da se osigura pravo stranaka na stručnu pomoć i na pravično suđenje, opravdane interese stranaka i trećih lica, s obzirom na okolnosti slučaja, kao i vjerovatnoću nastanka štete za jednu od stranaka ili za treća lica, koja bi mogla nastati zbog određivanja ili neodređivanja tih mjera.
- (8) Obrada ličnih podataka na osnovu mjera za očuvanje tajnosti iz ovog člana provodi se u skladu s propisima kojima se uređuje zaštita ličnih podataka.

Član 21.

(Prava stranih lica na zaštitu poslovne tajne)

- (1) Strano fizičko ili pravno lice u pogledu zaštite poslovne tajne uživa ista prava kao i domaće fizičko ili pravno lice ako to proizlazi iz međunarodnih ugovora koji se primjenjuju u BiH, ili iz načela uzajamnosti.
- (2) Postojanje uzajamnosti se pretpostavlja a stranka koja tvrdi suprotno dužna je to dokazati.

DIO ČETVRTI - KRIVIČNE ODREDBE

Član 22.

(Prekršaji)

- (1) Kaznit će se za prekršaj novčanom kaznom u iznosu od 1.000 do 30.000 KM pravno lice koje u skladu s članom 5. ovog zakona nezakonito pribavi, koristi ili otkrije poslovnu tajnu.

- (2) Za radnje iz stava (1) ovog člana kaznit će se za prekršaj odgovorno lice u pravnom licu novčanom kaznom u iznosu od 500 do 2.000 KM.
- (3) Za radnje iz stava (1) ovog člana kaznit će se za prekršaj preduzetnik novčanom kaznom u iznosu od 500 do 10.000 KM.
- (4) Za radnje iz stava (1) ovog člana kaznit će se za prekršaj fizičko lice novčanom kaznom u iznosu od 200 do 2.000 KM.

Član 23.

(Predmeti izvršenja prekršaja)

Predmeti izvršenja prekršaja iz člana 22. ovog zakona bit će oduzeti i uništeni, a predmeti koji su bili upotrijebljeni za izvršenje prekršaja iz člana 22. ovog zakona, bit će oduzeti.

DIO PETI - ZAVRŠNE ODREDBE

Član 24.

(Ograničenje u primjeni)

Odredbe ovog zakona neće se primjenjivati na poslovnu tajnu u dijelu u kojem su pretpostavke pravne zaštite i pravila postupka za zaštitu poslovne tajne od nezakonitog pribavljanja, korištenja i otkrivanja izričito drugačije uređeni posebnim zakonom.

Član 25.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku BiH", osim odredbe člana 19. tačka a), u dijelu koji se odnosi na primjenu propisa Evropske unije, koji se primjenjuje od dana pristupanja BiH Evropskoj uniji.

Broj _____/25
_____ 2025. godine
Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u odredbi člana I tačka 4. Ustava BiH kojim je predviđeno da BiH i entiteti neće ometati punu slobodu kretanja, lica, roba, usluga i kapitala širom BiH, članu III tački 1. Ustava kojim je predviđeno da su u nadležnosti institucija BiH vanjskotrgovinska politika i carinska politika i članu IV tački 4. Ustava kojim je predviđeno da je Parlamentarna skupština nadležna za donošenje zakona koji su potrebni za provođenje odluka Predsjedništva ili za vršenje funkcija Skupštine po ovom Ustavu.

II RAZLOZI ZA DONOŠENJE ZAKONA

U BiH ne postoji zakon koji oblast zaštite poslovne tajne uređuje na cjelovit način. Ovo pitanje je u BiH djelomično uređeno različitim zakonima na nivou BiH (Zakonom o vanjskotrgovinskoj politici BiH i Zakonom o lijekovima i medicinskim sredstvima BiH) kao i entitetskim zakonima o trgovini, zakonima o obaveznim odnosima, zakonima o radu i krivičnim zakonima. Krovna institucija u BiH u sistemu zaštite intelektualnog vlasništva je Institut za intelektualno vlasništvo. Prema članu 1. Zakona o osnivanju Instituta za intelektualno vlasništvo BiH ("Sl. glasnik BiH", br. 43/2004) Institut preuzima poslove u području zaštite intelektualnog vlasništva koji su utvrđeni Zakonom o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", br.29/00 i 19/01), u skladu s ovim zakonom. Prema članu 7. Institut je nadležan za obavljanje stručnih i upravnih poslova u području intelektualnog vlasništva i to za: područje zaštite industrijskog vlasništva, područje zaštite autorskih i srodnih prava i područje zaštite intelektualnog vlasništva. Prema odredbi člana 30. Zakona o vanjskotrgovinskoj politici BiH ("Sl. glasnik BiH", br. 7/1998 i 35/2004) pod prava intelektualnog vlasništva potpada i zaštita neotkrivenih informacija. Ovom odredbom je također predviđeno da su aspekti prava intelektualnog vlasništva vezani za vanjsku trgovinu u nadležnosti institucija BiH. U smislu tog zakona, pod terminom "aspekti prava intelektualnog vlasništva vezani za vanjsku trgovinu" podrazumijeva se osiguranje adekvatnih standarda i principa u vezi sa raspoloživošću, obimom i korištenjem prava intelektualnog vlasništva vezanim za vanjsku trgovinu, kao i osiguranje efikasnih i odgovarajućih sredstava za provođenje prava intelektualnog vlasništva vezanih za vanjsku trgovinu u skladu sa obavezama iz trgovinskih sporazuma u kojima je BiH i/ili entiteti jedna od strana. Ovom odredbom je predviđeno da Vijeće ministara BiH može u skladu sa navedenim standardima propisati mjere zaštite domaćih subjekata i potrošača od štetnih klauzula u ugovoru o licenci ili drugom prijenosu prava intelektualnog i industrijske vlasništva i da međunarodni sporazumi u oblasti aspekta prava intelektualnog vlasništva vezanih za trgovinu spadaju u nadležnost BiH.

Sporazum o stabilizaciji i pridruživanju između Evropske unije i BiH, koji je stupio na snagu, između ostalog u članu 73. stav (3) propisuje da će BiH poduzeti sve potrebne mjere kako bi najkasnije pet godina nakon stupanja na snagu ovog Sporazuma zajamčila nivo zaštite prava intelektualnog, industrijskog i poslovnog vlasništva, sličnu onom koji postoji u Uniji, uključujući efikasna sredstva provođenja takvih prava. Prema Zajedničkoj izjavi u članu 73. zaštita prava poslovnog vlasništva uključuje, posebno, zaštitu od nelojalne konkurencije kako je navedeno u članu 10. bis Pariške konvencije za zaštitu industrijskog vlasništva, i zaštitu neotkrivenih informacija kako je navedeno u članu 39. Sporazuma o trgovinskim aspektima prava intelektualnog vlasništva (Sporazum TRIPS). Stranke su nadalje saglasne da nivo zaštite iz člana 73. stav 3. uključuje dostupnost mjera, postupaka i pravnih lijekova predviđenih Direktivom 2004/48/EZ Evropskog parlamenta i Vijeća od 29. aprila 2004. o provođenju prava intelektualnog vlasništva. BiH je nedavno postala zemlja kandidat za Evropsku uniju, ali je također i zemlja kandidat za Svjetsku trgovinsku organizaciju (STO) te mora poštivati odredbe TRIPS sporazuma. Dodatno, obaveza poštivanja odredbi TRIPS-a za BiH proizlazi i iz članstva u CEFTA sporazumu, naročito članova 37. i 38. Aneksa 1 tog sporazuma. U skladu sa navedenim ustavnim i zakonskim odredbama Nacrt zakona o zaštiti poslovne tajne uređuje samo poslovnu tajnu u užem tehničkom smislu koja se tradicionalno smatra jednim od prava intelektualnog vlasništva.

Nacrtom zakona o zaštiti poslovne tajne kao prava intelektualnog vlasništva (u daljnjem tekstu: Nacrt zakona) po prvi put se u BiH na sveobuhvatan način uređuje ova oblast u skladu sa relevantnim propisima Evropske unije – Direktivom 2016/943 EU Evropskog parlamenta i Vijeća od 8. juna 2016. godine o zaštiti neotkrivenih znanja i iskustva (know-how) i poslovnih informacija (poslovnih tajni) od nezakonitog pribavljanja, korištenja i otkrivanja (u daljnjem tekstu: Direktiva 2016/943 EU) i Direktivom broj 2004/48/EZ Evropskog parlamenta i Vijeća od 29. aprila 2004. godine o provođenju prava intelektualnog vlasništva (u daljnjem tekstu: Direktiva 2004/48 EZ).

Zaštitom poslovne tajne štite se investicije privrednih subjekata u stjecanje, razvoj i primjenu znanja i iskustva i drugih informacija koje im osiguravaju konkurentsku prednost. Investiranje u stvaranje i primjenu intelektualnog kapitala štiti se pravima intelektualnog vlasništva – patentom, industrijskim dizajnom ili autorskim i srodnim pravima, kao i zaštitom pristupa znanju koje je privrednom subjektu dragocjeno, a nije općepoznato. Takvo dragocjeno znanje i iskustvo, kao i poslovne informacije koje su neotkrivene i predviđene da ostanu kao povjerljive čine poslovnu tajnu. Poslovnom tajnom se štite različite vrste informacija, a u smislu poslovne tajne kao prava intelektualnog vlasništva to mogu biti intelektualne kreacije kao što su proces proizvodnje, struktura određenog proizvoda, unutrašnji elementi nekog sklopa, tehnički planovi, projekti i sl. Poslovna tajna je posebno značajna u oblasti zaštite pronalazaka. U mnogim tehničkim oblastima pronalazač može odlučiti da svoj pronalazak čuva kao poslovnu tajnu ili da ga zaštiti patentom. Najčešći razlog zbog kog pronalazač ne prihvata patentnu zaštitu je što on ne želi da njegov pronalazak bude objavljen. Prema nekim procjenama, posebno u nekim oblastima tehnike kao što su npr. informacione tehnologije, samo mali dio pronalazaka štiti se patentom, dok se većina čuva kao poslovna tajna, odnosno faktički monopol onih koji

ga posjeduju i koriste. Prema relevantnim istraživanjima više od 90% svih novih tehnologija štiti se poslovnom tajnom, a preko 80% svih ugovora o licenci i transferu tehnologija se odnose na licenciranje poslovne tajne, odnosno patenta i poslovne tajne. Također, podaci o testovima i rezultatima ispitivanja predstavljaju posebnu vrstu tajnih podataka koje lice koje ih po zakonu kontroliše mora otkriti prilikom podnošenja nadležnom državnom organu zahtjeva za izdavanje odobrenja za stavljanje u promet lijekova, odnosno medicinskih sredstava, ili poljoprivrednih hemijskih proizvoda koji koriste nova hemijska jedinjenja. Pored toga, i sve kreativne tvorevine koje se štite drugim pravima intelektualnog vlasništva mogu u sebi sadržavati i poslovnu tajnu koja ima komercijalnu vrijednost i koja kao takva treba biti zaštićena od svih akata nelojalne konkurencije.

Poslovna tajna ima važnu ulogu u razmjeni znanja između istraživačkih institucija i privrednih društava, posebno malih i srednjih preduzeća. Ona se također koristi da bi se zaštitio pronalazak u toku postupka podnošenja prijave patenta, kao i podaci koje patent ne obuhvata, ili koji ne mogu da budu patentirani. Mnoge kompanije koje imaju organiziran pristup sistemu zaštite intelektualnog vlasništva nove tehnologije raščlanjuju na patentibilne pronalazke koje štite patentom i prateće tehničko znanje koje čuvaju kao poslovnu tajnu. Smisao zaštite poslovne tajne je da se pravno sankcioniše svaki akt neovlaštenog otkrivanja, umnožavanja, sticanja ili korištenja od strane trećih lica, povjerljivih informacija koje zakonito kontrolira nosilac poslovne tajne (fizičko ili pravno lice). Osnovni preduslovi za osiguravanje ovakvog vida zaštite neke povjerljive informacije su: da ta informacija predstavlja tajnu jer nije u cjelini, ili u pogledu precizne strukture i skupa svojih sastavnih djelova opće poznata ili lako dostupna osobama u krugovima koji se uobičajeno bave tom vrstom informacija; da ima komercijalnu vrijednost zato što je tajna i da je lice koje ju zakonito kontroliše poduzelo razumne mjere da te informacije sačuva u tajnosti.

Nacrtom zakona daje se definicija poslovne tajne, tj. precizira se koje informacije i pod kojim uslovima uživaju zaštitu kao poslovna tajna. Takođe, uređuje se pod kojim uslovima se pribavljanje, korištenje i otkrivanje informacije koja predstavlja poslovnu tajnu smatra zakonitim, a pod kojim uslovima se smatra nezakonitim. Odredbe sadržane u nacrtu zakona predstavljaju pravni osnov za građansko-pravnu zaštitu u slučaju povrede poslovne tajne. Takođe, u skladu sa principima Zakona o prekršajima BiH, predlaže se da povreda poslovne tajne bude sankcionisana kao prekršaj.

Za razliku od drugih prava industrijskog vlasništva gdje se podrazumijeva ispunjavanje određenih formalnosti da bi se osigurala zaštita, zaštita putem poslovne tajne ne zahtijeva nikakvu formalnu registraciju predmeta zaštite. Zbog toga zaštita poslovne tajne ne podrazumijeva vođenje upravnog postupka kojim bi se poslovna tajna ustanovila. Isto tako, za razliku od drugih prava intelektualnog vlasništva koja traju ograničen vremenski period, trajanje poslovne tajne nije vremenski ograničeno i ona traje dok god postoji tajnost. Za razliku od patenta, poslovna tajna nije isključivo pravo i ona ne daje svom nosiocu nikakav zakonski monopol. Ipak, imajući u vidu da poslovna tajna daje monopolisku poziciju na tržištu ona liči na patent i druga isključiva prava intelektualnog vlasništva. Na bazi faktičkog monopola, odnosno faktičkog posjedovanja određenih znanja, poslovna tajna daje ekskluzivan položaj na tržištu u odnosu na konkurente koji ta znanja nemaju. Ovaj faktički monopol često, međutim, može biti jači od pravnog monopola.

Nakon analize svih zakona kojima je u BiH uređena poslovna tajna konstatovano je da usklađivanje sistema zaštite poslovne tajne sa relevantnim propisima Evropske unije - Direktivom 2016/943 EU i Direktivom 2004/48 EZ nije moguće obaviti bez donošenja posebnog zakona koji bi na sistematičan način uređio ovu oblast. Naglašavamo da se Zakonom o zaštiti poslovne tajne ne stavljaju van snage odredbe zakona kojima je djelimično uređena poslovna tajna i da su one u potpunosti kompatibilne sa odredbama ovog Zakona.

III OBJAŠNJENJE OSNOVNIH PRAVNIH INSTITUTA I POJEDINAČNIH RJEŠENJA

Članom 1. Nacrta zakona definiše se predmet zakonskog regulisanja i odnos prema drugim zakonima kojima se uređuje poslovna tajna.

Članom 2. Nacrta zakona predviđa se rodna neutralnost pojmova korištenih u Zakonu.

Članom 3. Nacrta zakona se u skladu s članom 2. Direktive 2016/943 EU definišu pojmovi poslovne tajne, nosioca poslovne tajne, lica koje je povrijedilo poslovnu tajnu, lica za kojeg se sumnja da je povrijedilo poslovnu tajnu i robe kojom je počinjena povreda poslovne tajne. Da bi se jedna informacija smatrala poslovnom tajnom, ona mora biti povjerljiva, odnosno tajna. Općepoznate ili informacije koje su licima koje u okviru svojih aktivnosti uobičajeno dolaze u kontakt s takvom vrstom informacija, odnosno koje su lako dostupne ne mogu se zaštititi poslovnom tajnom. Da bi se jedna informacija smatrala poslovnom tajnom ne zahtijeva se apsolutna tajnost, već je bitno da ta informacija nije općepoznata ili lako dostupna relevantnim krugovima javnosti. Tako, naprimjer, moguće je određenu informaciju saopćiti drugim licima, a da se time ne ugrozi njen status poslovne tajne, pod uslovom da se lica kojima se informacija otkriva obavezu određenim pravnim sredstvima da istu neće otkrivati trećim licima (npr. ugovorom, odredbama u statutu ili drugom općem aktu privrednog subjekta koje se odnose na čuvanje poslovne tajne i sl.). Informacija sama po sebi ne predstavlja poslovnu tajnu ukoliko nema komercijalnu vrijednost. Smatra se da određena informacija ili znanje i iskustvo imaju komercijalnu vrijednost ukoliko bi njihovo nezakonito pribavljanje, korištenje ili otkrivanje moglo nanijeti štetu interesima licu koje ih zakonito kontroliše, jer se navedenim radnjama narušava njen naučni i tehnički potencijal, poslovni ili finansijski interes, strateška pozicija ili sposobnost za tržišnu utakmicu. Da li određena informacija, odnosno znanje i iskustvo ima komercijalnu vrijednost utvrđuje sud u svakom konkretnom slučaju u postupku po tužbi zbog povrede poslovne tajne. Da ne bi bilo zabune u vezi nadležnosti sudova predviđeno je da je sud u smislu zakona mjesno nadležan i sud u čijoj je stvarnoj nadležnosti zaštita industrijskog vlasništva, autorskog i srodnih prava i drugih prava intelektualnog vlasništva. Posebno je važno da kod složenih ugovora, kao što je npr. ugovor o transferu tehnologija ili ugovor o franšizi, sud koji je nadležan za građanskopravnu zaštitu patenta i drugih prava intelektualnog vlasništva bude nadležan i za građanskopravnu zaštitu poslovne tajne. Primjera radi, ugovorom o transferu

tehnologija u pravilu se pored patenta, industrijskog dizajna i autorskog prava prenosi i prateće znanje i iskustvo koje se štiti kao poslovna tajna.

Da bi se određena informacija mogla tretirati kao poslovna tajna, neophodno je da je lice koje je zakonito kontroliše poduzelo određene mjere („razumne mjere”) za očuvanje njene tajnosti. Termin „razumne mjere za očuvanje tajnosti” predstavlja pravni standard, a koje će se konkretne mjere smatrati razumnim zavisi od okolnosti svakog konkretnog slučaja, a prije svega od vrste informacije koja predstavlja poslovnu tajnu, kao i od značaja i vrijednosti same informacije. Navedene su i mjere koje se, između ostalih, smatraju razumnim mjerama za očuvanje tajnosti. To su: izrada internog akta o rukovanju poslovnom tajnom i o krugu lica i njihovim pravima i obavezama prilikom rukovanja poslovnom tajnom, mjere fizičke ili elektronske zaštite pristupa i rukovanja poslovnom tajnom, označavanje povjerljivih dokumenata oznakom „poslovna tajna”, ograničavanje pristupa prostorijama ili datotekama u kojima se nalaze informacije koje se smatraju poslovnom tajnom, ili zaključivanje ugovora o povjerljivosti, odnosno neotkrivanju povjerljivih informacija s licima koje potencijalno mogu doći u posjed poslovne tajne, uključujući zaposlene, poslovne partnere, vanjske saradnike i konsultante, odnosno potpisivanje izjava o povjerljivosti ili neotkrivanju povjerljivih informacija od strane navedenih lica. Takođe, propisano je da informacije koje se smatraju poslovnom tajnom obuhvataju, između ostalog, znanje i iskustvo i tehnološke informacije.

Članom 4. Nacrta zakona je propisano da se u postupcima građanskopravne zaštite poslovne tajne i postupcima po prijedlogu za određivanje privremene mjere i prijedlogu za određivanje osiguranja dokaza na odgovarajući način primjenjuju odredbe zakona kojim se uređuje parnični postupak i zakona kojim se uređuje izvršni postupak, osim ako ovim zakonom nije drukčije određeno. U nacrtu zakona su određeni instituti građanskog procesnog prava u mjeri u kojoj je to nužno prilagođeni specifičnostima građanskopravne zaštite poslovne tajne. Sva ostala pravila Zakona o parničnom postupku i Zakona o izvršnom postupku primjenjuju se i u ovim postupcima. Kada je u pitanju naknada štete prouzrokovana nezakonitim pribavljanjem, korištenjem ili otkrivanjem poslovne tajne a koja ovim zakonom nije posebno uređena, predviđeno je da se na odgovarajući način primjenjuju odredbe zakona kojim se uređuju obavezni odnosi, prije svega one koje se odnose na odgovornost za štetu. U skladu sa Ustavom BiH i međunarodnim standardima koji se odnose na ljudska prava i osnovne slobode Zakonom o zabrani diskriminacije („Službeni glasnik BiH“, br. 59/09 i 66/16) utvrđuju se odgovornosti i obaveze zakonodavne, sudske i izvršne vlasti u Bosni i Hercegovini, kao i pravnih lica i pojedinaca koji vrše javna ovlaštenja, da svojim djelovanjem omoguće zaštitu, promovisanje i stvaranje uslova za jednako postupanje. Zabrana diskriminacije primjenjuje na sve javne organe, kao i na sva fizička i pravna lica, u svim oblastima.

Članom 5. Nacrta zakona je propisano šta se smatra zakonitim pribavljanjem poslovne tajne, odnosno u kojim situacijama se pribavljanje, korištenje ili otkrivanje poslovne tajne neće smatrati nezakonitim. Radi pospješivanja inovacija i jačanja tržišne utakmice ne uspostavlja se isključivo pravo na znanje i iskustvo ili informacije koje su zaštićene kao poslovna tajna, već se nezavisno otkriće ili nezavisno stvaranje znanja i iskustva koje je identično sa nečijom poslovnom tajnom smatra zakonitim. Također, i reverzibilni inženjering zakonito pribavljenog proizvoda čiji postupak proizvodnje predstavlja poslovnu tajnu je dozvoljen. Naime, propisano

je da se zakonitim smatra pribavljanje poslovne tajne posmatranjem, proučavanjem, rastavljanjem ili testiranjem proizvoda ili predmeta koji je učinjen dostupnim javnosti ili koji je zakonito u posjedu pribavioca informacije (reverzibilni inženjering), koji nije vezan pravno važećom obavezom da ograniči pribavljanje poslovne tajne ili koji nije vezan pravno važećom obavezom zabrane vršenja reverzibilnog inženjeringa. Ukoliko pravno važeća obaveza postoji, reverzibilni inženjering nije dozvoljen, odnosno smatrat će se da identično znanje dobijeno na taj način predstavlja povredu poslovne tajne. Reverzibilni inženjering, za razliku od ropske imitacije je fer korištenje i legitimno konkurentno ponašanje. Reverzibilni inženjering se sastoji iz ispitivanja ili analiziranja, putem rastavljanja ili dekomponovanja, proizvoda ili materije sa ciljem da se shvati njena struktura, sastav ili funkcionisanje, i pronade kako je napravljena ili konstruisana, da bi se naknadno proizvela poboljšana verzija proizvoda ili materije. Reverzibilni inženjering se uobičajeno praktikira u industriji u vezi proizvoda konkurenata, u svrhu učenja tehnologije koju sadrže, i eventualne proizvodnje konkurentnog (poboljšanog ili različitog, ali ekvivalentnog) proizvoda. Zaštita nekih intelektualnih kreacija, posebno pronalazaka, poslovnom tajnom nosi sa sobom rizik. Zbog toga pronalazači treba dobro da razmisle kako da zaštite svoj pronalazak. Ipak, posebno kada su u pitanju neke tehnologije, nosioci uspijevaju sačuvati određena znanja kao poslovnu tajnu dugi vremenski period, duži nego što traje patentna zaštita. Pribavljanje poslovne tajne se smatra zakonitim i kada je tajna pribavljena ostvarivanjem prava radnika ili njihovih predstavnika na informiranje i konzultiranje. Moguće je da u toku ostvarivanja ovih prava dođe do pribavljanja poslovne tajne, a takvo pribavljanje se neće smatrati nezakonitim jer je nastalo pri vršenju zakonom garantovanih prava zaposlenih. Pored izričitog navođenja načina pribavljanja poslovne tajne koji se smatraju zakonitim, ovim članom propisano je i opće pravilo po kome se pribavljanje, korištenje ili otkrivanje poslovne tajne koje je propisano ili dozvoljeno zakonom, smatra zakonitim. Cilj ove odredbe je da se mjere i pravna sredstva koja se mogu sastojati od sprječavanja otkrivanja informacija radi zaštite poslovne tajne ne odnose na slučajeve u kojima je otkrivanje poslovne tajne u javnom interesu, tj. ukoliko je otkriven značajan propust, prijestup ili nezakonita aktivnost.

Članom 6. Nacrta zakona propisano je kada će se pribavljanje, korištenje i otkrivanje poslovne tajne smatrati nezakonitim. Pribavljanje poslovne tajne bez pristanka nosioca poslovne tajne se smatra nezakonitim ako je učinjeno neovlaštenim pristupom, prisvajanjem ili umnožavanjem dokumenata, predmeta, materijala, supstanci ili elektronskih datoteka koji su pod zakonitom kontrolom nosioca poslovne tajne, ili bilo kojim drugim postupanjem koje je protivno poslovnim običajima. Korištenje ili otkrivanje poslovne tajne će se smatrati nezakonitim kada ga bez pristanka nosioca poslovne tajne vrši lice koje je poslovnu tajnu pribavilo nezakonito, ili lice koje je prekršilo sporazum o povjerljivosti ili drugu obavezu koja se odnosi na zabranu otkrivanja poslovne tajne, ili ugovornu obavezu kojom se ograničava korištenje poslovne tajne. Pribavljanje, korištenje ili otkrivanje poslovne tajne smatra se nezakonitim i kada je lice u trenutku pribavljanja znalo ili moralo znati da je poslovna tajna pribavljena direktno ili indirektno od lica koje je poslovnu tajnu nezakonito koristilo ili otkrilo.

Nezakonitim korištenjem poslovne tajne smatra se i proizvodnja, nuđenje ili stavljanje u promet robe kojom je izvršena povreda, kao i uvoz, izvoz ili skladištenje robe kojom se vrši povreda u svrhe proizvodnje, nuđenja ili stavljanja robe u promet. Navedene radnje se smatraju

nezakonitim ako je lice koje ih je obavljalo znalo ili je trebalo znati da je poslovna tajna korištena nezakonito.

Članom 7. Nacrta zakona u skladu sa odredbom člana 12. Direktive 2016/943 EU o provođenju prava intelektualnog vlasništva propisane su vrste tužbenih zahtjeva koji se mogu zahtijevati u parničnom postupku. U suštini radi se o tužbenim zahtjevima koji su propisani i kod drugih prava industrijskog vlasništva, koji su samo prilagođeni specifičnostima poslovne tajne. Propisano je da nosilac poslovne tajne u slučaju povrede poslovne tajne može tužbom zahtijevati: utvrđivanje povrede, prestanak povrede ili zabranu korištenja ili otkrivanja poslovne tajne, zabranu proizvodnje, nuđenja, stavljanja u promet ili korištenja robe kojom je izvršena povreda, odnosno zabranu uvoza, izvoza ili skladištenja robe kojom je izvršena povreda u svrhe proizvodnje, nuđenja, stavljanja u promet ili korištenja robe, određivanje odgovarajućih mjera koje se odnose na robu kojom je izvršena povreda, koje obuhvataju povlačenje robe s tržišta, uklanjanje s takve robe svojstava koje je čine robom kojom je izvršena povreda poslovne tajne i uništenje robe, kao i uništenje ili predaju dokumenata, predmeta, materijala, supstance ili elektronskih dokumenata koji sadrže poslovnu tajnu, ili koji sami po sebi predstavljaju poslovnu tajnu. Da bi u potpunosti mogao da se ostvari cilj zbog koga se tužba podnosi, tužbeni zahtjevi obuhvataju i slučajeve kada postoji ozbiljna prijetnja da će do povrede prava doći. U takvom slučaju nosilac poslovne tajne može zahtijevati prestanak neovlaštenog preduzimanja radnje kojom je neko lice počinilo ozbiljnu prijetnju da će nezakonito pribaviti, koristiti ili otkriti poslovnu tajnu. Takođe, uvedena je i odgovornost posrednika - čije su usluge korištene u radnjama kojima se nezakonito pribavlja, koristi ili otkriva poslovna tajna pri povredi prava. Aktivnu legitimaciju za podnošenje tužbe imaju nosilac poslovne tajne i sticatelj licence, ukoliko je za to ovlašten na osnovu ugovora ili zakona. Propisani uslov da sticatelj licence mora biti ugovorom ili zakonom ovlašten za podnošenje tužbe u skladu je sa članom 4 (b) Direktive 2004/48/EZ o provođenju prava intelektualnog vlasništva.

Članom 8. Nacrta zakona propisan je objektivni i subjektivni rok za podnošenje tužbe zbog povrede poslovne tajne. Za razliku od subjektivnog roka koji je propisan za slučaj povrede drugih prava intelektualnog vlasništva koji iznosi tri godine, za povredu poslovne tajne propisuje se subjektivni rok od godinu dana. Ovaj rok je propisan s obzirom na značaj čuvanja poslovne tajne, odnosno štetnih posljedica koje mogu nastupiti zbog njene povrede. Propisivanjem kraćeg subjektivnog roka za podnošenje tužbe zbog povrede poslovne tajne, nosilac podataka koji predstavljaju poslovnu tajnu stavlja se u poziciju da kontinuirano kontroliše korištenje informacije koja predstavlja poslovnu tajnu i vodi računa o čuvanju njene tajnosti. Predviđeno je da se tužba zbog povrede poslovne tajne može podnijeti u roku od godinu dana od dana kada je tužilac saznao za povredu i lice za koje se sumnja da je povrijedilo poslovnu tajnu, a najkasnije u roku od tri godine od dana učinjene povrede ili od dana posljednje učinjene povrede ako se povreda vrši kontinuisano.

Članom 9. Nacrta zakona u skladu s načelom proporcionalnosti pri donošenju sudskih odluka, određuju se faktori o kojima sud treba voditi računa prilikom razmatranja tužbenih zahtjeva i

određivanja sudskih mjera. Ti faktori su između ostalog: vrijednost poslovne tajne, mjere preduzete radi zaštite poslovne tajne, ponašanje lica koje je prilikom pribavljanja, korištenja ili otkrivanja poslovne tajne povrijedilo poslovnu tajnu, posljedice nezakonitog korištenja ili otkrivanja poslovne tajne i sl. Takođe, sud ima diskrecijsko ovlaštenje da procijeni legitimne interese stranaka u sudskom postupku i posljedice koje bi usvajanje ili odbijanje tužbenih zahtjeva moglo da ima na njih, kao i interese trećih lica, uključujući i potrošače. Propisano je također da sud prilikom donošenja odluke o oročavanju trajanja izrečenih mjera ima u vidu da trajanje mjera mora biti dovoljno za uklanjanje bilo koje prednosti koju bi lice koje je povrijedilo poslovnu tajnu moglo ostvariti nezakonitim pribavljanjem, korištenjem ili otkrivanjem poslovne tajne. Također, daje se mogućnost sudu da umjesto mjera iz člana 5. Nacrta zakona za lakše slučajeve povrede poslovne tajne dosudi plaćanje novčane naknade oštećenoj stranci. Ovaj član je usklađen sa članom 13. Direktive 2016/943 EU o provođenju prava intelektualnog vlasništva.

Članom 10. Nacrta zakona propisano je da oštećeni ima pravo na naknadu štete ukoliko je lice koje je povrijedilo poslovnu tajnu znalo ili je moralo znati da učestvuje u nezakonitom pribavljanju, korištenju ili otkrivanju poslovne tajne u skladu sa odredbama ovog Zakona i zakona kojim se uređuju obavezni odnosi. Ovim članom određene su okolnosti slučaja koje sudija treba uzeti u obzir prilikom određivanja visine naknade štete. Predviđeno je da prilikom određivanja visine naknade štete sud uzima u obzir sve okolnosti slučaja, kao što su negativne ekonomske posljedice koje je pretrpio nosilac poslovne tajne, odnosno sticatelj licence, koje obuhvataju običnu štetu, izmaklu korist i korist koju je povredom poslovne tajne ostvarilo lice koje je povrijedilo poslovnu tajnu.

Članom 11. Nacrta zakona u skladu sa članom 15. Direktive 2016/943 EU o provođenju prava intelektualnog vlasništva propisano je da nosilac poslovne tajne može tužbom zahtijevati objavu presude u sredstvima javnog informisanja na trošak tuženog. Ova mjera postoji i kod drugih prava intelektualnog vlasništva i propisuje se radi dodatnog odvracanja budućih počinitelja povreda prava i radi podizanja svijesti šire javnosti o značaju poštovanja tajnosti informacija koje predstavljaju poslovnu tajnu. Propisani su i kriteriji na osnovu kojih sud treba procijeniti da li treba odrediti mjeru objave presude. Radi se o kriterijima za procjenu srazmjere mjere objave presude prema učinjenoj povredi. Za razliku od objave presude u vezi sa povredom drugih prava intelektualnog vlasništva u ovom slučaju propisano je da se prilikom objave presude mora očuvati povjerljivost poslovne tajne u skladu sa članom 19. Nacrta zakona.

Članom 12. Nacrta zakona propisana je mogućnost da sud odredi privremene mjere ako nosilac poslovne tajne učini vjerovatnim da je došlo, ili da će doći do nezakonitog pribavljanja, korištenja ili otkrivanja poslovne tajne. U ovom slučaju radi se o specifičnom obliku sudske mjere osiguranja koja postoji u Zakonu o parničnom postupku Federacije BiH i Zakonu o parničnom postupku Republike Srpske. Privremene mjere su veoma značajne jer nezakonito otkrivanje poslovne tajne može imati veoma negativan utjecaj na ekonomske i druge interese nosioca poslovne tajne. Stoga mjere propisane ovim članom trebaju osigurati momentalni prestanak nezakonitog pribavljanja, korištenja ili otkrivanja poslovne tajne, kao i zabranu

proizvodnje, nuđenja, stavljanja u promet ili korištenja robe kojom je počinjena povreda, oduzimanje takve robe i sl. U skladu sa članom 11. stav 4. Direktive 2016/943 EU o provođenju prava intelektualnog vlasništva, predviđeno je da radi određivanja privremenih mjera zaplijene pokretnih i nepokretnih stvari i zabrane isplate novčanih sredstava sa računa lica protiv kojeg se predlaže privremena mjera sud može naložiti dostavljanje bankarskih, finansijskih, poslovnih ili drugih bitnih dokumenata i podataka ili da naloži da se omogući pristup tim dokumentima i podacima. Također, u skladu sa članom 9. 4. Direktive 2004/48 EZ o provođenju prava intelektualnog vlasništva, propisano je da sud može privremenu mjeru odrediti odmah po prijemu prijedloga i bez prethodnog izjašnjenja protivne stranke.

Članom 13. Nacrta zakona propisuje se rok za podnošenje tužbe za pokretanje postupka radi opravdanja privremene mjere, uređuje se ukidanje privremene mjere, kao i naknade štete u slučaju da sud utvrdi da nije učinjena povreda poslovne tajne, ili da nije postojala ozbiljna prijetnja da će poslovna tajna biti povrijeđena. Osim toga, propisano je da sud može uslovljavati određivanje privremene mjere polaganjem odgovarajućeg iznosa kao sredstva osiguranja ukoliko bi mogla nastati šteta određivanjem privremene mjere, ako postupak bude obustavljen i provedene radnje budu ukinute ili ako sud utvrdi da povreda prava nije učinjena ili da nije postojala ozbiljna prijetnja da će pravo biti povrijeđeno. Takođe, uređeno je pitanje naknade štete licu protiv kojeg je privremena mjera određena u slučaju ako postupak po privremenoj mjeri bude obustavljen i provedene radnje budu ukinute, ili ako sud utvrdi da povreda prava nije učinjena ili da nije postojala ozbiljna prijetnja da će pravo biti povrijeđeno. Navedene odredbe su usklađene sa članovima 9.4, 9.6. i 9.7 Direktive 2004/48 EZ o provođenju prava intelektualnog vlasništva.

Članom 14. Nacrta zakona uređuje se pribavljanje dokaza koji se ne nalaze u državi stranke koja se na njih poziva, već su u državi druge stranke ili trećeg lica ili su im dostupni. Sud u tom slučaju može tom licu naložiti da isti dostavi, pod uslovom da se time ne naruši tajnost povjerljivih informacija. Navedena odredba je usklađena sa članom 6. Direktive 2004/48 EZ o provođenju prava intelektualnog vlasništva. Naglašavamo da je Zakonom o parničnom postupku Federacije BiH i Zakonom o parničnom postupku Republike Srpske propisano da kad se jedna stranka poziva na ispravu i tvrdi da se ona nalazi kod druge stranke, sud može ovu stranku pozvati da podnese ispravu, ostavljajući joj za to određeni rok, te je bilo neophodno da se ove odredbe prilagode specifičnosti poslovne tajne, kako bi se spriječilo narušavanje tajnosti povjerljivih informacija.

Članom 15. Nacrta zakona određuje se što se smatra osiguranjem dokaza u smislu ovog zakona. Naime, osiguranjem dokaza smatra se uzimanje detaljnog opisa predmeta kojima se povređuje poslovna tajna, sa ili bez uzimanja uzoraka tih predmeta, oduzimanje predmeta ili dijela predmeta kojima se povređuje poslovna tajna, a ako je to opravdano, i oduzimanje sredstava pretežno upotrebljenih u stvaranju ili stavljanju u promet takvih predmeta, kao i dokumenata koji se odnose na navedeno, pregled prostorija, vozila, knjiga, dokumenata i baza podataka i ispitivanje svjedoka i sudskih vještaka. Pored toga, kao i kod privremene mjere, propisuje se da lice na čiji je prijedlog određeno osiguranje dokaza mora opravdati njegovo određivanje

podnošenjem tužbe u roku od 30 dana od dana donošenja rješenja o određivanju osiguranja dokaza.

Članom 16. Nacrta zakona propisano je da sud može odrediti osiguranje dokaza bez izjašnjenja protivne stranke, posebno ako postoji opasnost da zbog odlaganja predlagač pretrpi nenadoknadivu štetu, ili ako postoji očigledan rizik da će dokaz biti uništen. Također, propisuje se da se rješenje kojim se usvaja prijedlog za osiguranje dokaza dostavlja strankama u postupku bez odlaganja, što je u skladu sa članom 7.1. Direktive 2004/48 EZ o provođenju prava intelektualnog vlasništva. I u ovom slučaju mjere osiguranja dokaza koje su propisane zakonima kojima se uređuju parnični postupci su prilagođene specifičnosti poslovne tajne

Članom 17. Nacrta zakona propisuje se koja su lica obavezna da na zahtjev suda pruže informacije o trećim licima koje su učestvovala u povredi poslovne tajne i o njihovim distributivnim kanalima. Ovoj obavezi podliježe lice kod kojeg je pronađena roba kojom se povređuje poslovna tajna, lice koje koristi ili pruža usluge kojima se povređuje poslovna tajna ili koja je uključeno u proizvodnju ili distribuciju roba, ili pružanje usluga kojima se povređuje poslovna tajna. Između ostalog, navedeno je što se smatra informacijama koje su navedena lica dužna pružiti sudu.

Članom 18. Nacrta zakona propisuje se da se podnesci i odluke u sudskom postupku koji se odnosi na nezakonito pribavljanje, korištenje ili otkrivanje poslovne tajne, ne dostavljaju putem oglasne table, već da će sud u slučaju neuspješnog dostavljanja pozvati stranku putem oglasne table da u roku od osam dana od dana objavljivanja poziva neposredno u sudu preuzme podnesak ili odluku. Ukoliko stranka u navedenom roku ne preuzme podnesak ili odluku, smatrat će se da je dostavljanje izvršeno istekom osmog dana od dana objavljivanja poziva za preuzimanje podneska ili odluke na oglasnoj tabli suda. Razlog zbog koga se u ovom slučaju odstupa od redovnog režima dostavljanja je u tome što postoji opasnost da u slučaju da se dostavljanje vrši putem oglasne table dođe do otkrivanja informacija koje predstavljaju poslovnu tajnu.

Članom 19. Nacrta zakona propisani su slučajevi u kojima se mjere, pravna sredstva i postupci propisani Nacrtom zakona ne primjenjuju. Radi se o slučajevima u kojima je lice koje je otkrilo poslovnu tajnu djelovalo u javnom interesu radi otkrivanja relevantnog propusta, prijestupa ili nezakonite aktivnosti. Ovim se između ostalog osigurava nesmetana aktivnost uzbunjivača, odnosno lica koja u javnom interesu otkrivaju nezakonite aktivnosti. Njihova aktivnost ne treba biti ograničena zbog bojazni da će povrijediti poslovnu tajnu. Ipak, ukoliko su u informaciji koju otkriva uzbunjivač sadržani tajni podaci, on je u postupanju sa takvom informacijom dužan da se pridržava zakona koji uređuje zaštitu uzbunjivača. Mjere, pravna sredstva i postupci propisani Nacrtom zakona ne primjenjuju se ni u slučaju otkrivanja poslovne tajne od strane zaposlenih njihovim predstavnicima u okviru zakonitog vršenja funkcije predstavnika, pod uslovom da je otkrivanje poslovne tajne bilo neophodno za zakonito vršenje funkcije predstavnika. Sindikalni predstavnik može biti određen da zastupa zaposlenog u radnom sporu

sa poslodavcem pred arbitrom ili sudom. Ukoliko je za obavljanje zastupanja neophodno da predstavnik sindikata bude upoznat sa poslovnom tajnom, kao i da otkrije poslovnu tajnu, takvo pribavljanje i otkrivanje poslovne tajne se neće smatrati nezakonitim. Zakonom o slobodi pristupa informacijama na nivou institucija BiH ("Službeni glasnik BiH, broj 61/23), garantovano je pravo građana na obavještenost. Sve informacije dostupne su svakom domaćem ili stranom fizičkom i pravnom licu, bilo putem proaktivne objave ili putem podnošenja zahtjeva za slobodu pristupa informaciji. Stoga se otkrivanje poslovne tajne od strane novinara u cilju obavješćavanja javnosti o pitanjima koja su od javnog značaja neće smatrati povredom poslovne tajne. Ova odredba je bitna jer omogućava nesmetan rad novinara istraživača i omogućava zaštitu njihovih izvora. Mjere, pravna sredstva i postupci propisani Nacrtom zakona ne primjenjuju se u cilju zaštite legitimnih interesa priznatih posebnim zakonom. Tako je Zakonom o hemikalijama ("Sl. glasnik RS", br. 21/2018) i Zakonom o hemikalijama ("Službene novine FBiH", broj: 77/20) predviđeno da ministarstvo nadležno za zaštitu životne sredine može u hitnim slučajevima, kada je to neophodno zbog sigurnosti i zaštite ljudi i životne sredine, da učini dostupnim podatke koji se prema odredbama navedenih zakona smatraju poslovnom tajnom. Takođe, Zakonom o biocidima ("Sl. glasnik RS", br. 37/2009) je propisano da se ne mogu označiti kao poslovna tajna podaci koji su od značaja sigurnost i zdravlje ljudi i životinja, sigurnost imovine i zaštitu životne sredine. Takođe, mjere, pravna sredstva i postupci propisani Nacrtom zakona ne primjenjuju se u vezi sa pružanjem pravne pomoći advokata i zastupnika u oblasti intelektualnog vlasništva u skladu sa propisima kojima se uređuje položaj advokature i položaj zastupnika u oblasti intelektualnog vlasništva.

Članom 20. Nacrta zakona propisuje se obaveza čuvanja tajnosti poslovne tajne tokom trajanja i nakon okončanja sudskog postupka, tj. sve dok informacije koje čine poslovnu tajnu ne postanu opće poznate ili lako dostupne licima iz krugova koji se uobičajeno bave predmetnom vrstom informacija. Očuvanje tajnosti u vezi sa sudskim postupkom je vrlo značajno, jer mogućnost gubitka tajnosti često odvraća nosioce poslovnih tajni od pokretanja sudskih postupaka radi zaštite njihovih poslovnih tajni. Zbog toga se ovim članom utvrđuju posebne mjere koje sud može poduzeti da bi osigurao očuvanje povjerljivosti poslovne tajne koja se koristi, ili na koju se upućuje u toku sudskog postupka. Te mjere su: isključenje javnosti, ograničenje da određeni broj lica pristupa bilo kom dokumentu koji je podnijela neka od stranaka u postupku ili treće lice, a koja sadrži poslovnu tajnu, ograničenje da određeni broj osoba pristupa ročištima i zabrana činjenja dostupnim bilo kojem licu, osim licima kojima je izričito dozvoljen pristup, verzije sudske odluke u kojoj odlomci koji sadrže poslovnu tajnu nisu uklonjeni ili učinjeni nečitljivim. Takođe, propisani su i kriteriji koje sud treba uzeti u obzir prilikom određivanja mjera za očuvanje tajnosti poslovne tajne, kao i za određivanje lica kojima treba biti osiguran pristup dokumentima koji sadrže poslovnu tajnu, kao i pristup ročištima.

Članom 21. Nacrta zakona uređen je tretman stranih pravnih i fizičkih lica na način da se poštuje princip uzajamnosti domaćih i stranih fizičkih i pravnih lica u pogledu zaštite poslovne tajne kada to proizlazi iz međunarodnih ugovora koji obavezuju BiH ili iz načela uzajamnosti. Predviđeno je da se postojanje uzajamnosti pretpostavlja i da strana koja tvrdi suprotno dužna je da to i dokaže.

Članovima 22. i 23. Nacrta zakona propisano je da se nezakonito pribavljanje, korištenje i otkrivanje poslovne tajne sankcioniše kao prekršaj ako navedene radnje učini pravno lice, odnosno odgovorna osoba u pravnoj osobi, preduzetnik ili fizičko lice. Visine kazni za prekršaj određene su u okvirima propisanim članom 19. Zakona o prekršajima BiH ("Sl. glasnik BiH", br. 41/2007, 18/2012, 36/2014, 81/2015 i 65/2020). Imajući u vidu da u pravnom sistemu BiH ne postoje privredni prestupi kao posebna vrsta kažnjivih djela predviđeno je da za prekršaje zbog povrede poslovne tajne mogu odgovarati i pravna lica. Naglašavamo da prema Zakonu o prekršajima BiH prekršaji predstavljaju kršenja javnog poretka ili propisa o ekonomskom i finansijskom poslovanju utvrđena zakonom ili drugim propisom, za koja su određena obilježja prekršaja i za koja su propisane sankcije. Prema članu 9. Zakona o prekršajima BiH za postupanje po prekršajima propisanim zakonima i drugim propisima Bosne i Hercegovine stvarno su nadležni sudovi u Federaciji BiH, Republici Srpskoj i Brčko Distriktu BiH.

Član 24. Nacrta zakona propisuje da prema principu *lex specialis derogat legi generali*, odredbe ovog zakona neće se primjenjivati na poslovnu tajnu u dijelu u kojem su pretpostavke pravne zaštite i pravila postupka za zaštitu poslovne tajne od nezakonitog pribavljanja, korištenja i otkrivanja izričito drugačije uređeni posebnim zakonom. Primjera radi, Zakonom o lijekovima i medicinskim sredstvima BiH podaci o testovima i rezultatima ispitivanja predstavljaju posebnu vrstu tajnih podataka koje lice koje ih po zakonu kontroliše mora da otkrije prilikom podnošenja nadležnom državnom organu zahtjeva za izdavanje odobrenja za stavljanje u promet lijekova, odnosno medicinskih sredstava. Zbog specifičnosti pravne zaštite poslovne tajne u ovoj oblasti kao i u nekim drugim oblastima, ove odredbe kao specijalne imaju prednost u odnosu na odredbe zakona kojima je poslovna tajna uređena generalno.

Članom 25. Nacrta zakona propisuje se da ovaj zakon stupa na snagu osmog dana od dana objavljivanja u „Službenom glasniku BiH”, osim odredbe člana 17. tačka a), u dijelu koji se odnosi na primjenu propisa Evropske unije, koji se primjenjuje od dana pristupanja BiH Evropskoj uniji. Naime, odredbom člana 19. tačka a) ovog Nacrta zakona propisano je da se mjere, postupci i pravna sredstva propisana ovim zakonom neće primjenjivati u situacijama u kojima je otkrivanje povjerljivih informacija učinjeno radi zaštite osnovnih prava na slobodu izražavanja i na obaviještenost. Od dana pristupanja BiH Evropskoj uniji prava na slobodu izražavanja i na obaviještenost tumačit će se u skladu sa Evropskom konvencijom za zaštitu ljudskih prava i osnovnih sloboda, Poveljom Evropske unije o osnovnim pravima i praksom Evropskog suda za ljudska prava.

IV NAČELA NA KOJIMA SE ZAKON ZASNIVA

Načela na kojima se zasniva predloženi Zakon o zaštiti poslovne tajne kao prava intelektualnog vlasništva su: odgovornost, pouzdanost, pravna sigurnost, otvorenost i transparentnost, koja načela su i ključne odrednice dobre javne uprave. Implementiranje navedenih načela čini nas bližim evropskom modelu javne uprave i javnog upravljanja.

V USKLAĐENOST ZAKONA SA EVROPSKIM ZAKONODAVSTVOM

Predloženim Zakonom o zaštiti poslovne tajne kao prava intelektualnog vlasništva vrši se usklađivanje sa:

- Direktivom (EU) 2016/943 Evropskog parlamenta i Vijeća od 8. juna 2016. o zaštiti neotkrivenih znanja i iskustva (*know-how*) i poslovnih informacija (poslovnih tajni) protiv njihovog neovlaštenog pribavljanja i
- Direktivom 2004/48 od 29. aprila 2004. o provođenju prava intelektualnog vlasništva.

VI PROCJENA FINANSIJSKIH SREDSTAVA POTREBNIH ZA PROVOĐENJE ZAKONA

Za provođenje ovog zakona nisu potrebna dodatna sredstva u budžetu BiH, budžetima entiteta i budžetima nižih organa vlasti.

VII OPIS KONSULTACIJA VOĐENIH U POSTUPKU IZRADE ZAKONA

Primjenjujući kriterije navedene u Pravilima za konsultacije u izradi pravnih propisa („Službeni glasnik BiH“, br. 5/17) utvrđeno je da nacrt Zakona o zaštiti poslovne tajne kao prava intelektualnog vlasništva nije imao značajnijeg utjecaja na javnost i da su se ispunile minimalne obaveze u pogledu obavljanja konsultacija.

Institut za intelektualno vlasništvo BiH je javne konsultacije u postupku pripreme Nacrta Zakona o zaštiti poslovne tajne kao prava intelektualnog vlasništva obavio u periodu od 28.12.2023. godine do 27.1.2024. godine, putem web stranice Instituta, www.ipr.gov.ba, i platforme e-konsultacije.

U navedenom periodu Institut za intelektualno vlasništvo BiH nije zaprimio prijedloge i/ili primjedbe na postavljeni dokument.

VIII PRIBAVLJENA MIŠLJENJA

U procesu pripreme ovog zakona pribavljena su mišljenja Ureda za zakonodavstvo BiH, Ministarstva finansija i trezora BiH, Ministarstva pravde BiH, Ministarstva za ljudska prava i izbjeglice BiH, Direkcije za evropske integracije i Agencije za zaštitu ličnih podataka u BiH.



Broj: 05-07-1-1434-1/25
Sarajevo, 18. 6. 2025. godine

INSTITUT ZA INTELEKTUALNO VLASNIŠTVO BiH
- n/r direktoru -
Kneza Domagoja b. b., 88000 Mostar

PREDMET: Obavijest, dostavlja se


Vijeće ministara Bosne i Hercegovine, na 82. sjednici održanoj 16. 6. 2025. godine, razmotrilo je Nacrt zakona o zaštiti poslovne tajne kao prava intelektualnog vlasništva te s tim u vezi zaključilo:

- usvaja se Prijedlog zakona o zaštiti poslovne tajne kao prava intelektualnog vlasništva, uz prihvaćene korekcije;
- Zadužuje se Institut za intelektualno vlasništvo Bosne i Hercegovine da u suradnji s Uredom za zakonodavstvo Vijeća ministara Bosne i Hercegovine, sukladno korekcijama iznesenim kroz raspravu, uskladi i nomotehnički uredi Prijedlog zakona o zaštiti poslovne tajne kao prava intelektualnog vlasništva i da ga putem Generalnog tajništva Vijeća ministara Bosne i Hercegovine dostavi Parlamentarnoj skupštini Bosne i Hercegovine, uz prijedlog i obrazloženje Instituta za intelektualno vlasništvo Bosne i Hercegovine da se razmatra po skraćenom zakonodavnom postupku sukladno poslovnim odredbama oba doma Parlamentarne skupštine Bosne i Hercegovine jer je Prijedlog zakona označen oznakom „EI“.

S poštovanjem,

DOSTAVLJENO:

- naslovu
- u spis broj: 05-02-1-1757/24
- a/a



OBRAZAC broj 1 – PRETHODNA PROCJENA UČINAKA PROPISA
(INSTITUT ZA INTELEKTUALNO VLASNIŠTVO BOSNE I HERCEGOVINE)

Broj:05-02-1-697-2/23

Mostar, 17.5.2024. godine

PRETHODNA PROCJENA UČINAKA PROPISA	
NOSITELJ NORMATIVNOG POSLA	Institut za intelektualno vlasništvo Bosne i Hercegovine
VRSTA PROPISA	c) zakon
NAZIV PROPISA	Nacrt Zakona o zaštiti poslovne tajne kao prava intelektualnog vlasništva
1. Navedite pravni osnov za donošenje propisa.	
Ustavni osnov za donošenje propisa sadržan je u u odredbi člana I tačka 4. Ustava Bosne i Hercegovine kojim je predviđeno da Bosna i Hercegovina i entiteti neće ometati punu slobodu kretanja, lica, roba, usluga i kapitala širom Bosne i Hercegovine, članu III tačka 1. Ustava kojim je predviđeno da su u nadležnosti institucija Bosne i Hercegovine vanjskotrgovinska politika i carinska politika i članu IV tačka 4. Ustava kojim je predviđeno da je Parlamentarna skupština je nadležna za donošenje zakona koji su potrebni za provođenje odluka Predsjedništva ili za vršenje funkcija Skupštine po ovom Ustavu. Pravni osnov za donošenje propisa sadržan je u : a) članu 1. Zakona o osnivanju Instituta za intelektualno vlasništvo BiH ("Sl. glasnik BiH", br. 43/2004) prema kom Institut preuzima poslove u području zaštite intelektualnog vlasništva koji su utvrđeni Zakonom o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", br.29/00 i 19/01), u skladu s ovim zakonom. Prema članu 7. tog zakona Institut je nadležan za obavljanje stručnih i upravnih poslova u području intelektualnog vlasništva i to za: područje zaštite industrijskog vlasništva, područje zaštite autorskih i srodnih prava i područje zaštite intelektualnog vlasništva. b) članu 30. Zakona o spoljnotrgovinskoj politici Bosne i Hercegovine ("Sl. glasnik BiH", br. 7/1998 i 35/2004) prema kom pod prava intelektualne svojine potpada i zaštita neotkrivenih informacija. Odredbom istog člana takođe je predviđeno da su aspekti prava intelektualne svojine vezani za spoljnu trgovinu u nadležnost institucija Bosne i Hercegovine. U smislu tog zakona, pod terminom "aspekti prava intelektualne svojine vezani za spoljnu trgovinu" podrazumeva se obezbeđenje adekvatnih standarda i principa u vezi sa raspoloživošću, obimom i korištenjem prava intelektualne svojine vezanim za spoljnu trgovinu, kao i obezbjeđenje efikasnih i odgovarajućih sredstava za provođenje prava intelektualne svojine vezanih za spoljnu trgovinu u skladu sa obavezama iz trgovinskih sporazuma u kojima je BiH i/ili entiteti jedna od strana. Ovom odredbom je predviđeno da Vijeće ministara BiH može u skladu sa navedenim standardima propisati mjere zaštite domaćih subjekata i potrošača od štetnih klauzula u ugovoru o licenci ili drugom prenosu prava intelektualne i industrijske svojine i da međunarodni sporazumi u oblasti aspekta prava intelektualne svojine vezanih za trgovinu spadaju u nadležnost Bosne i Hercegovine; c) članu 38. st. 4. a u vezi sa Aneksom VI Privremenog Sporazuma o stabilizaciji i pridruživanju (SAA) kojim je Bosna i Hercegovina preuzela obvezu da će preduzeti sve neophodne mjere kako bi najkasnije pet godina nakon stupanja na snagu SAA garantirala nivo zaštite prava intelektualnog, industrijskog i trgovinskog vlasništva sličan onome koji postoji u Zajednici, uključujući i djelotvorna sredstva za ostvarivanje takvih prava. U tom roku Bosna i Hercegovina se obvezala da će pristupiti multilateralnim konvencijama o pravima intelektualnog, industrijskog i trgovinskog vlasništva sadržanim u Aneksu VI.	

2. Da li je prednacrt, nacrt ili prijedlog propisa u skladu sa strateškim dokumentima, politikama i prioritetima Vijeća ministara i Parlamentarne skupštine Bosne i Hercegovine, i ako da, navedite s kojim?

Donošenje Zakona o zaštiti poslovne tajne kao prava intelektualnog vlasništva u skladu je sa Programom rada Instituta za intelektualno vlasništvo Bosne i Hercegovine kojim su utvrđene aktivnosti u cilju unaprijeđenja sistema zaštite i provođenja prava intelektualnog vlasništva u BiH i sa Akcionim planom Vijeća ministara BiH.

3. U skladu sa člankom 9. Aneksa I. ukratko opišite stanje i problem koji se namjerava riješiti.

Privremenim Sporazumom o stabilizaciji i pridruživanju (SAA) Bosna i Hercegovina se obvezala da će preduzeti sve neophodne mjere koje bi garantirale da je nivo zaštite intelektualnog, industrijskog i trgovinskog vlasništva sličan onome koji postoji u Zajednici, uključujući i djelotvorna sredstva za ostvarivanje takvih prava. U Bosni i Hercegovini ne postoji zakon koji oblast zaštite poslovne tajne uređuje na cjelovit način. Ova pitanje je u Bosni i Hercegovini djelimično uređeno različitim zakonima na nivou Bosne i Hercegovine (Zakona o spoljnotrgovinskoj politici Bosne i Hercegovine i Zakonu u lijekovima i medicinskim sredstvima BiH) kao i entitetskim zakonima o trgovini, zakonima o obligacionim odnosima, zakonima o radu i krivičnim zakonima.

Donošenje Zakona o zaštiti poslovne tajne kao prava intelektualnog vlasništva u Bosni i Hercegovini se po prvi put se na sveobuhvatan način uređuje ova oblast u skladu sa sa relevantnim propisima Evropske unije – Direktivom 2016/943 EU Evropskog parlamenta i Saveta od 8. juna 2016. godine o zaštiti neotkrivenih znanja i iskustva (*know-how*) i poslovnih informacija (poslovnih tajni) od nezakonitog pribavljanja, korišćenja i otkrivanja (Direktiva 2016/943 EU) i Direktivom broj 2004/48/EZ Evropskog parlamenta i saveta od 29. aprila 2004. godine o sprovođenju prava intelektualne svojine kao i Sporazumom o trgovinskim aspektima prava intelektualne svojine (TRIPS) Ovim zakonom se osigurava da efekti zaštite poslovne tajne kao prava intelektualnog vlasništva na području Bosne i Hercegovine budu isti kao i u državama članicama Evropske unije. Isto tako, ovim zakonom se obezbjeđuje puna usaglašenost sa Sporazumom o trgovinskim aspektima prava intelektualne svojine (TRIPS) što je jedan od uslova za članstvo u Svjetskoj trgovinskoj organizaciji (WTO).

4. Ukoliko imate saznanja da je isti problem postojao u zemljama Evropske unije, odnosno susjednim zemljama ukratko navedite na koji način je riješen. Navedite najmanje dvije zemlje Evropske unije i dvije susjedne zemlje.

Nakon donošenje Direktive 2016/943 EU Evropskog parlamenta i Vijeća od 8. juna 2016. godine o zaštiti neotkrivenih znanja i iskustva (*know-how*) i poslovnih informacija (poslovnih tajni) od nezakonitog pribavljanja, korišćenja i otkrivanja većina država članica Evropske unije je odlučila da odredbe ove direktive implementira donošenjem zakona kojima se ova oblast uređuje na cjelovit i sistematičan način. Posebne zakone o zaštiti poslovne tajne kojima se implementiraju odredbe navedene direktive ima većina država članica Evropske unije uključujući i Njemačka Španija, Holandija i Bugarska. Svi ovi zakoni su doneseni nakon usvajanja navedene direktive. I susjedne države imaju posebne zakone kojima je uređena poslovna tajna i to: Hrvatska (Zakon o zaštiti neobjavljenih informacija s tržišnom vrijednosti NN 30/18, Crna gora (Zakon o zaštiti poslovne tajne, Sl. glasnik CG broj 145/21) Srbija (Zakon o zaštiti poslovne tajne Sl. glasnik RS, br. 53/2021)

5. Utvrdite opći cilj u skladu sa člankom 10. Aneksa I.

Opšti cilj/principi razvoja sadržan je u Srednjoročnom planu razvoja Instituta za intelektualno vlasništvo BiH, kojim je kao srednjoročni cilj Instituta predviđen Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije, a njegovo ostvarenje se zasniva na realizaciji specifičnog cilja, kao i provođenju programa i projekata koji sadrži i aktivnosti neophodne za zaključivanje i primjenu sporazuma sa drugim zavodima za industrijsko vlasništvo i suradnju sa međunarodnim organizacijama koje participiraju u sistemu zaštite industrijskog vlasništva.

6. Navedite u nekoliko točaka ključna pitanja/mjere koje će biti obuhvaćene propisom ili provedene putem nenormativnih aktivnosti i mjera.

Zakonom o zaštiti poslovne tajne kao prava intelektualnog vlasništva u Bosni i Hercegovini postepeno se usklađuje sa pravnom tečevinom EU i ispunjava obveza iz čl. 38. Privremenog SAA odnosno čl. 73. SAA, prema kojem se Bosna i Hercegovina obvezala da će preduzeti sve potrebne mjere kao garanciju da će zaštita prava intelektualnog, industrijskog i trgovinskog vlasništva biti slična zaštiti tih prava u. Europskoj uniji, uključujući i djelotvorna sredstva za provedbu tih mjera. Imajući u vidu podjelu nadležnosti između institucija Bosne i Hercegovine i entiteta, zakonom se uređuje samo poslovna tajna kao pravo intelektualnog vlasništva Zakon se sasoji iz 5 poglavlja i to: Uvodne odredbe; Pribavljanje, korišćenje i otkrivanje poslovne tajne; Građanskopravna zaštita; Kaznene odredbe; Završne odredbe. Prema principu *lex specialis derogat legi generali*, odredbe ovog zakona neće se primjenjivati na poslovnu tajnu u dijelu u kojem su pretpostavke pravne zaštite i pravila postupka za zaštitu poslovne tajne od nezakonitog pribavljanja, korišćenja i otkrivanja izričito drugačije uređeni posebnim zakonom. Svi važeći zakoni na svim nivoima vlasti u Bosni i Hercegovini kojima se djelimično uređuje poslovna tajna ostaju na snazi jer su oni u potpunosti kompatibilni sa odredbama ovog zakona. Zakonom se ne dira u postojeću podjelu nadležnosti između sudova u BiH. Predviđeno je da je mjesno nadležan sud u čijoj je stvarnoj nadležnosti zaštita industrijskog vlasništva, autorskog prava i srodnih prava i drugih prava intelektualnog vlasništva. U skladu sa Direktivom Evropske unije o sprovođenju prava intelektualne svojine u mjeri u kojoj je to nužno zakonom su uređene specifičnosti postupka građanskopravne zaštite poslovne tajne. Tretman stranih pravnih i fizičkih lica uređen je na način da se poštuje princip ravnopravnosti domaćih i stranih fizičkih i pravnih lica u pogledu zaštite poslovne tajne kada to proizlazi iz međunarodnih ugovora koji obavezuju Bosnu i Hercegovinu ili iz načela uzajamnosti. Zakon sadrži i kaznene odredbe kojima su uređeni prekršaji u ovoj oblasti.

7. Ukratko opišite postupak i rezultate prethodnih konzultacija u skladu sa člankom 6. stavak (5) i po potrebi člankom 20. Aneksa I.

Institut za intelektualno vlasništvo BiH na osnovu člana 7. Pravila za konsultacije u izradi pravnih propisa („Službeni glasnik BiH“, br. 52/17) ima mogućnost da obavi javne konzultacije u postupku pripreme Zakona o zaštiti poslovne tajne kao prava intelektualne svojine. Imajući u vidu da prethodne konzultacije u skladu sa navedenom odredbom još nisu održane predlažemo da se javne konsultacije obave, putem web stranice Instituta i platforme e-konzultacije, a o objavljivanju na web stranici posebno obavijeste: Ministarstvo pravde BiH, Ministarstvo finansija/finansija i trezora BiH, Ured za zakonodavstvo BiH, Direkcija za evropske integracije i Ministarstvo vanjske trgovine i ekonomskih odnosa BiH.

8. Procjena učinaka ključnih pitanja/mjera iz točke 6. ovog obrasca u fiskalnom, ekonomskom, socijalnom i okolišnom smislu: (DA – značajan ili vrlo značajan učinak ili NE – vjerovatno mali učinak)

a) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan učinak na proračun Bosne i Hercegovine, proračune entiteta, kantona, Brčko distrikta Bosne i Hercegovine i jedinica lokalne samouprave?	vrlo mali učinak	NE
b) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan ekonomski učinak iz članka 13. Aneksa I?	vrlo mali učinak	NE
c) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan socijalni učinak iz članka 14. Aneksa I?	vrlo mali učinak	NE
d) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan okolišni učinak iz članka 15. ovog Aneksa I?	vrlo mali učinak	NE

.

.

.

.

.

Broj: 05-02-1-697-1/23SD
Mostar, 29.1.2024. godine

Na temelju članka 22. Pravila za konzultacije u izradi pravnih propisa („Službeni glasnik BiH“, br. 5/17 i 87/23), Institut za intelektualno vlasništvo Bosne i Hercegovine na Nacrt Zakona o zaštiti poslovne tajne kao prava intelektualnog vlasništva, d a j e

IZJAVU


1.	Minimalne obveze u pogledu konzultacija	Ispunjene su minimalne obveze u pogledu obavljanja konzultacija
2.	Obrazloženje zaključka da li pravni propis ili drugi akt ima značajnog uticaja na javnost ili ne, s obrazloženjem	Nacrt Zakona o poslovne tajne kao prava intelektualnog vlasništva nema značajnijeg utjecaja na javnost (primjenjujući kriterije navedene u člancima od 9. do 13. Pravila za konzultacije u izradi pravnih propisa)
3.	Obrazloženje odluke o obliku dodatnih konzultacija i opis dodatnih konzultacija koje su izvršene	Institut za intelektualno vlasništvo Bosne i Hercegovine je javne konzultacije u postupku pripreme Nacrta Zakona o zaštiti poslovne tajne kao prava intelektualnog vlasništva obavio u periodu od 28.12.2023. godine do 27.1.2024. godine, putem web stranice Instituta, www.ipr.gov.ba , i platforme e-konzultacije.
4.	Dostavljanje izvješća o provedenim konzultacijama iz članka 21. Pravila za konzultacije u izradi pravnih propisa	U navedenom periodu Institut za intelektualno vlasništvo BiH nije zaprimio prijedloge i/ili primjedbe na postavljeni dokument

WEB: www.ipr.gov.ba; e-mail: info@ipr.gov.ba

Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20;
Tel: Protokol +387 36 33 43 81; Ured ravnatelja i zamjenika ravnatelja +387 36 33 43 82 (Mostar);

Ispostava Sarajevo: 71000 Sarajevo, Bulevar Meše Selimovića 95, Izmela C – 3.kat; e-mail: sarajevo@ipr.gov.ba;
Fax: +387 33 65 27 57; Tel: Protokol +387 33 65 27 65;

Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 68 41; Tel: +387 51 22 68 40
Odješenja: Nacionalni žig, Međunarodni žig +387 33 65 27 88; Patenti +387 33 81 80 95, +387 36 33 43 81;
Industrijski dizajn, Autorsko i srodna prava +387 36 33 43 81;







IZVJEŠTAJ O ODRŽANIM KONZULTACIJAMA SA ZAINTERESOVANOM JAVNOŠĆU

TEMA Nacrt Zakona o zaštiti poslovne tajne kao prava intelektualnog vlasništva

IZJAVA O SVRHU U Bosni i Hercegovini ne postoji zakon koji područje zaštite poslovne tajne uređuje na cjelovit način. Ovo pitanje je u Bosni i Hercegovini djelomično uređeno različitim zakonima na razini Bosne i Hercegovine (Zakon o vanjskotrgovinskoj politici Bosne i Hercegovine i Zakon o lijekovima i medicinskim sredstvima Bosne i Hercegovine), kao i entitetskim zakonima o trgovini, zakonima o obveznim odnosima, zakonima o radu i kaznenim zakonima. Krovna institucija u Bosni i Hercegovini u sustavu zaštite intelektualnog vlasništva je Institut za intelektualno vlasništvo. Sporazum o stabilizaciji i pridruživanju između EU i BiH, koji je stupio na snagu, između ostalog, u članku 73. stavak (3) propisuje da će Bosna i Hercegovina poduzeti sve potrebne mjere kako bi najkasnije pet godina nakon stupanja na snagu ovog Sporazuma zajamčila razinu zaštite prava intelektualnog, industrijskog i poslovnog vlasništva, sličnu onoj koja postoji u Uniji, uključujući učinkovita sredstva provedbe takvih prava. Nacrtom zakona o zaštiti poslovne tajne kao prava intelektualnog vlasništva po prvi put se u Bosni i Hercegovini na sveobuhvatan način uređuje ovo područje u skladu sa relevantnim propisima Europske unije - Direktivom 2016/943/EU Europskog parlamenta i Vijeća od 8. lipnja 2016. godine o zaštiti neotkrivenih znanja i iskustva (know-how) i poslovnih informacija (poslovnih tajni) od nezakonitog pribavljanja, korištenja i otkrivanja i Direktivom broj 2004/48/EZ Europskog parlamenta i Vijeća od 29. travnja 2004. godine o provedbi prava intelektualnog vlasništva.

OPIS TOKA KONZULTACIJA

Metode konzultacija

Statistika

Online konzultacije

Broj učesnika: 0

Datum početka 28.12.2023.

Broj komentara: 0

Datum kraja 27.1.2024.

Broj prijedloga: 0

Broj prihvaćenih i djelimično prihvaćenih prijedloga: 0

ZAKLJUČAK:

Provedene su minimalne obveze glede konzultacija jer je primjenom kriterija iz odredaba Pravila za konzultacije u izradi pravnih propisa ("Službeni glasnik BiH", br. 5/17, 87/23) procijenjeno da se ne radi o pravnom propisu koji ima značajan utjecaj na javnost. Proces javnih konzultacija obavljen je u periodu od 28.12.2023. do 27.1.2024. godine. U tom je razdoblju Nacrt Zakona o zaštiti poslovne tajne kao prava intelektualnog vlasništva bio dostupan na web platformi "eKonzultacije" uz mogućnost dostavljanja komentara i prijedloga elektroničkim putem. U gore navedenom periodu nije zaprimljen niti jedan prijedlog/komentar na tekst Nacrta Zakona o zaštiti poslovne tajne kao prava intelektualnog vlasništva.

VODITELJ KONZULTACIJA

Daliborka Soldo

Sarajevo, dana 29.1.2024.

Koordinator konsultacija

Mario Babić



Broj: 03-02-1-493/24
Sarajevo, 6.6.2024. godine
(AL-ES)

BOSNA I HERCEGOVINA
INSTITUT ZA INTELEKTUALNO VLASNIŠTVO

MOSTAR

Kneza Domagoja bb

PREDMET: Mišljenje na nacrt Zakona o zaštiti poslovne tajne kao prava intelektualnog vlasništva

Veza: Vaš akt broj 05-02-1-697-3/23SD od 20.5.2024. godine

Ured za zakonodavstvo Vijeća ministara Bosne i Hercegovine razmotrio je nacrt Zakona o zaštiti poslovne tajne kao prava intelektualnog vlasništva i na osnovu člana 25. stav 1. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Pravni osnov za donošenje Zakona o zaštiti poslovne tajne kao prava intelektualnog vlasništva sadržan je u članu IV 4.a) Ustava Bosne i Hercegovine koji propisuje da je Parlamentarna skupština nadležna za donošenje zakona koji su potrebni za provođenje odluka Predsjedništva ili za vršenje funkcija Skupštine po Ustavu.

Zakonom o zaštiti poslovne tajne kao prava intelektualnog vlasništva po prvi put se u Bosni i Hercegovini uređuje ova oblast u skladu sa relevantnim propisima Evropske unije- Direktivom 2016/943 EU Evropskog parlamenta i Vijeća od 8.6.2016. godine o zaštiti neotkrivenih znanja i iskustva (know-how) i poslovnih informacija (poslovnih tajni) od nezakonitog pribavljanja, korištenja i otkrivanja i Direktivom broj 2004/48/EZ Evropskog parlamenta i Vijeća od 29.4.2004. godine o provođenju prava intelektualnog vlasništva.

Zakonom o zaštiti poslovne tajne kao prava intelektualnog vlasništva utvrđuju se pretpostavke pravne zaštite i pravila postupka za zaštitu poslovne tajne kao prava intelektualnog vlasništva od nezakonitog pribavljanja, korištenja i otkrivanja.


U prilogu akta dostavljeni su Obrazloženje, Obrazac broj 1-Prethodna procjena uticaja propisa, Izvještaj o održanim konsultacijama sa zainteresovanom javnošću i Izjava rukovodioca o održanim konsultacijama.

- takode, u članu 15. stav (4) jasnije propisati rok, umjesto predloženog "razumnog roka";
- u članu 16. stav (3) označavanja stava na koji se vrši pozivanje, uskladiti sa odredbom člana 31. stav (2) Jedinistvenih pravila;
- Dio IV „KAZNENE ODREDBE“ i Dio V „ZAVRŠNE ODREDBE“ uskladiti sa odredbom člana 25. stav (2) Jedinistvenih pravila, kojim je propisano da propis i svaka unutrašnja podjela propisa ne mogu imati manje od dva člana;
- u članu 21. u stavu (5), riječi „st. (1)–(4)“ zamijeniti riječima „st. (1), (2), (3) i (4)“
- u članu 22. u nazivu službenog glasila, riječi: „Bosne i Hercegovine“ zamijeniti skraćenicom „BH“;
- takode, u članu 22. skreće se pažnja na dio kojim se propisuje odgoda primjene dijela propisa od dana pristupanja Bosne i Hercegovine Evropskoj uniji, a obzirom na sadržaj predmetnog člana 18. tačka a), te činjenicu potrebnog perioda za proces pristupanja Bosne i Hercegovine Evropskoj uniji;
- ispod teksta nacrtu Zakona, predvidjeti naznaku datiranja i potpisnika;
- Obrazloženje, u skladu sa odredbom člana 59. Jedinistvenih pravila, pripremiti u formi dodatka, kao poseban dokument uz nacrt predmetnog Zakona.

Ured za zakonodavstvo ukazuje da je nacrt Zakona o zaštiti poslovne tajne kao prava intelektualnog vlasništva potrebno upotpuniti mišljenjem Ministarstva finansija i trezora Bosne i Hercegovine, Ministarstva pravde Bosne i Hercegovine, Direkcije za evropske integracije i Agencije za zaštitu ličnih podataka u Bosni i Hercegovini.

Dostaviti:

- naslovu
- a/a

DIREKTOR

mr. Džemail Čibo

BOSNA I HERCEGOVINA
Agencija za zaštitu ličnih/osobnih
podataka u Bosni i Hercegovini
Sarajevo

Broj: 03-1-02-1-537-2/24
Datum: 19.6.2024. godine

INSTITUT ZA INTELEKTUALNU SVOJINU
BOSNE I HERCEGOVINE
Kneza Domagoja bb
88000 Mostar

05 04130244
БОСНА И ХЕРЦЕГОВИНА
Агенција за заштиту личних података
у Босни и Херцеговини
Сарајево

BOSNA I HERCEGOVINA INSTITUT ZA INTELEKTUALNO VLASNIŠTVO BOSNE I HERCEGOVINE MOSTAR			
PRIMLJENO: 19.06.2024.			
Organizaciona jedinica	Identifikaciona oznaka	Datum priloga	Broj priloga
05-02-1697-12/23			

Predmet: Nacrt Zakona o zaštiti poslovne tajne kao prava intelektualnog vlasništva,
Mišljenje, *d o s t a v l j a s e*

Veza: Vaš akt broj: 05-02-1-697-3/23SD od 20.5.2024. godine


Agencija za zaštitu ličnih podataka u Bosni i Hercegovini (u daljem tekstu: Agencija), u prilogu akta broj i datum veze zaprimila je Nacrt Zakona o zaštiti poslovne tajne kao prava intelektualnog vlasništva, radi davanja mišljenja.
Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

MIŠLJENJE

Nakon izvršene analize, Nacrta Zakona o zaštiti poslovne tajne kao prava intelektualnog vlasništva, sa aspekta zaštite prava na privatnost i obrade ličnih podataka, Agencija nema primjedbi.

S poštovanjem,

Dostavljeno
- Naslovu
- Spis predmeta



DIREKTOR -

dr. Dragoljub Reljić

Sarajevo / Сарајево, Dubrovačka broj 6 / Дубровачка број 6
tel/тел +387 33 726-250, fax/факс +387 33 726-251

BOSNA I HERCEGOVINA

VIJEĆE MINISTARA

DIREKCIJA ZA EVROPSKE INTEGRACIJE

DIREKCIJA ZA EVROPSKE INTEGRACIJE



БОСНА И ХЕРЦЕГОВИНА

САВЈЕТ МИНИСТРА

ДИРЕКЦИЈА ЗА ЕВРОПСКЕ ИНТЕГРАЦИЈЕ

05-02-697-11/23

Broj: 03/B-06-2-LBK-653-4/24

Sarajevo, 10.06.2024. godine

BOSNA I HERCEGOVINA

INSTITUT ZA INTELKTUALNO VLASNIŠTVO

Kneza Domagoja

88 000 Mostar



BOSNA I HERCEGOVINA

INSTITUT ZA INTELKTUALNO VLASNIŠTVO

88 000 MOSTAR

POSREDOVANJE U PROMETU

PRIMLJENO	05-02-697-11/23
Organizacija	
Ime i prezime	
Adresa	
Telefon	
Faks	
E-mail	

Predmet: Mišljenje o usklađenosti Nacrta Zakona o zaštiti poslovne tajne kao prava intelektualnog vlasništva s *acquis-em*, dostavlja se

Veza: Vaš akt broj: 05-02-1-697-5/24SD od 24.05.2024. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), člana VI Odluke o Direkciji za evropske integracije („Službeni glasnik BiH“, br. 41/03) i člana 6. Odluke o postupku usklađivanja zakonodavstva Bosne i Hercegovine s pravnom stečevinom Evropske unije („Službeni glasnik BiH“, br. 75/16, 2/18 i 32/23), Direkcija za evropske integracije daje sljedeće:

MIŠLJENJE

Nacrtom Zakona o zaštiti poslovne tajne kao prava intelektualnog vlasništva (u daljnjem tekstu: Nacrt zakona) uređuju se pretpostavke pravne zaštite i pravila postupka za zaštitu poslovne tajne kao prava intelektualnog vlasništva od nezakonitog pribavljanja, korištenja i otkrivanja.

Direkcija podsjeća da se Bosna i Hercegovina, u skladu sa članom 73. Sporazuma o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine s druge strane („Službeni glasnik BiH – Međunarodni ugovori“, br. 10/08, 1/17 i 8/17), obavezala da će poduzeti sve nužne mjere, kako bi od 01.07.2013. godine jamčila razinu zaštite prava intelektualnog vlasništva, industrijskog i trgovačkog vlasništva sličnu onoj koja postoji u Evropskoj uniji.

Direkcija konstatuje da se Nacrt zakona usklađuje sa sljedećim propisima Evropske unije:


- Direktivom (EU) 2016/943 Evropskog parlamenta i Vijeća od 8. juna 2016. o zaštiti neotkrivenih znanja i iskustva te poslovnih informacija (poslovne tajne) od nezakonitog pribavljanja, korištenja i otkrivanja
- Direktivom 2004/48/EZ Evropskog parlamenta i Vijeća o provedbi prava intelektualnog vlasništva.

Direkcija ukazuje da je u Izvještaju o Bosni i Hercegovini za 2023. godinu Evropska komisija istakla da, u okviru prava industrijskog vlasništva, potrebno je dodatno usklađivanje, između ostalog, i u oblasti poslovnih tajni. Kako se navodi i u Obrazloženju, Nacrtom zakona se po prvi put u Bosni i Hercegovini na sveobuhvatan način uređuje ova oblast u skladu sa naprijed navedenim propisima Evropske unije.

Institut za intelektualno vlasništvo je uz Nacrt zakona dostavio popunjene instrumente za usklađivanje, a u skladu sa odredbama člana 4. stav (1) Odluke o postupku usklađivanja zakonodavstva Bosne i Hercegovine s pravnom stečevinom. Također, u skladu sa članom 3. stav (2) tačka b) Odluke izvršena je stručna redakтура tabele stručnih termina, te je primjena usaglašenih termina obavezujuća.

Nakon izvršene analize Direkcija konstatuje da su Nacrtom zakona preuzete sve odredbe Direktive (EU) 2016/943, kao i da je izvršeno usklađivanje sa relevantnim odredbama članova 4., 6., 7. i 9. Direktive 2004/48/EZ. Tretman stranih pravnih i fizičkih lica uređen je na način da se poštuje princip ravnopravnosti domaćih i stranih fizičkih i pravnih lica u pogledu zaštite poslovne tajne kada to proizlazi iz međunarodnih ugovora koje obavezuju Bosnu i Hercegovinu ili iz načela uzajamnosti.

Usvajanje Nacrta zakona doprinosi ispunjavanju zahtjeva Evropske komisije u smislu dodatnog usklađivanja u oblasti poslovnih tajni, kao i obaveza koje proizilaze iz Sporazuma o stabilizaciji i pridruživanju.




Prilozi:

- Ovjerena izjava o usklađenosti
- Tabela stručnih termina

Dostavljeno:

1. Naslovu
2. a/a

IZJAVA O USKLADENOSTI		
Identifikacijski broj izjave:		IIP-IU/NZ/280/24
1. Podaci o obrađivaču propisa	Naziv institucije	Institut za intelektualno vlasništvo BiH
	Sektor/Odsjek	Sektor za razvoj sustava intelektualnog vlasništva
2. Naziv propisa		Nacrt Zakona o zaštiti poslovne tajne kao prava intelektualnog vlasništva Draft Law on the Protection of Trade Secrets as Intellectual Property Rights
3. Usklađenost propisa s odredbama Sporazuma o stabilizaciji i pridruživanju		
3.1.	Odredba Sporazuma	Glava VII Usklađivanje zakona, provedba zakona i pravila tržišnog natjecanja; Članak 73. Pravo intelektualnog, industrijskog i trgovačkog vlasništva.
3.2.	Ocjena ispunjenosti obveze iz navedene odredbe Sporazuma	Djelomično ispunjava
3.3.	Razlozi za djelomično ispunjavanje odnosno neispunjavanje obveze iz navedene odredbe Sporazuma i rok u kojem je predviđeno postizanje potpune usklađenosti	Potpuno usklađivanje će se izvršiti na odgovarajući način u tijeku pristupanja Europskoj uniji.
4. Veza propisa sa Programom integriranja (PI)		
4.1.	PI za razdoblje	
4.2.	Poglavlje, potpoglavlje	/
4.3.	Rok za donošenje propisa	/
4.4.	Napomena	/
5. Usklađenost propisa s pravnom stečevinom EU		
5.1.	Primarni izvori prava EU stupanj usklađenosti	Ugovor o funkcioniranju Europske unije (pročišćeni tekst 2016.); Dio treći Politike i unutarnje djelovanje Unije; Glava VII. Zajednička pravila o konkurenciji, oporezivanju i usklađivanju prava; Poglavlje 3. Usklađivanje zakonodavstva, članak 114. Treaty on the Functioning of the European Union (Consolidated version 2016.); Part Three Union Policies and Internal Actions; Title VII Common rules on competition, taxation and approximation of laws; Chapter 3 Approximation of laws, Article 114. Djelomično usklađeno

5.2.	Sekundarni izvori prava EU	Direktiva (EU) 2016/943 Europskog parlamenta i Vijeća od 8. lipnja 2016. o zaštiti neotkrivenih znanja i iskustva te poslovnih informacija (poslovne tajne) od nezakonitog pribavljanja, korištenja i otkrivanja, (SL L 157, 15.6.2016), CELEX broj: 32016L0943 Directive (EU) 2016/943 of the European Parliament and of the Council of 8 June 2016 on the protection of undisclosed know-how and business information (trade secrets) against their unlawful acquisition, use and disclosure (OJ L 157, 15.6.2016), CELEX no. 32016L0943 Direktiva 2004/48/EZ Europskog parlamenta i Vijeća od 29. travnja 2004. o provedbi prava intelektualnog vlasništva, (SL L 157, 30.4.2004), CELEX broj: 32004L0048, posljednja pročišćena verzija 30.4.2004. Directive 2004/48/EC of the European Parliament and of the Council of 29 April 2004 on the enforcement of intellectual property rights, (OJ L 157, 30.4.2004), CELEX no. 32004L0048, latest consolidated version 30.4.2004
5.3.	Stupanj usklađenosti sa sekundarnim izvorima prava	Djelomično usklađeno
5.4.	Razlozi za djelomičnu usklađenost ili neusklađenost	Potpuno usklađivanje će se izvršiti na odgovarajući način u tijeku pristupanja Europskoj uniji.
5.5.	Rok za potpuno usklađivanje	
5.6.	Ostali izvori prava EU	/
6.	Da li je osiguran prijevod pravnih izvora na službene jezike u uporabi u BiH?	Da
7.	Da li je propis preveden na engleski jezik?	Da
Rukovoditelj tijela uprave: Ravnatelj Instituta za intelektualno vlasništvo BiH 		Direktor Agencije za europske integracije 
Datum i pečat: 24.5.2024. godine		Datum i pečat: 24.5.2024. godine

03-06-2-653-2/24

TABELA STRUČNIH TERMINA

Naziv propisa (BHS)	Nacrt zakona o zaštiti poslovne tajne kao pravo intelektualnog vlasništva
Naziv propisa (EN)	Draft Law on the Protection of Trade Secrets as Intellectual Property Rights
CELEX brojevi pravnih akata EU	32016L0943
Oblast	unutrašnje tržište
Terminologija	Marijana Mamić, mart 2024.
Stručna redakтура	marijana.mamic@zdr.gov.ba; 033 255 007

1.	2.	3.	4.	5.	6.	7.	8.
termin iz propisa EU na engleskom jeziku (EUR-Lex)	termin iz propisa EU na hrvatskom jeziku (EUR-Lex)	mjesto na kojem se termin nalazi u propisu EU: član, stav, i sl.	prijedlog prijevoda termina na službene jezike u upotrebi u BiH (DEI)	mjesto na kojem se termin nalazi u propisu BiH: član, stav, i sl.	prijedlog prijevoda termina na službenim jezicima u upotrebi u BiH (stručni redaktor)	razlog za izmjenu i drugi komentari (stručni redaktor)	usaglašeni termini na službenim jezicima u upotrebi u BiH
Trade secret holder	poslovna tajna	Article 2 (1)	BS	poslovna tajna	Član 2. (1) a)	BS	poslovna tajna
			HR	poslovna tajna		HR	poslovna tajna
			SR	poslovna tajna		SR	poslovna tajna
trade secret holder	nositelj poslovne tajne	Article 2 (2)	BS	positelj poslovne tajne	Član 2. (1) b) "imatej" ili "imatej" poslovne tajne je bolje rješeno od "držatelja" koji je više "keeper". Držalac poslovne tajne je najadekvatiji	BS	positelj poslovne tajne
			HR	positelj poslovne tajne		HR	positelj poslovne tajne
			SR	држалац пословне тајне,		SR	носилац пословне тајне

				ako se ne prihvati onda, „ималац пословне тајне“	prevod. Pojam „državina“ postoji u Zakonu o stvarnim pravima RS, u Federaciji BiH u odgovarajućem zakonu stoji pojam „posjed“. Niti prevod iz direktive na hrvatskom (nositelj) niti na srpskom (imalac) nisu odgovarajući prevodi pojma „holder“, oba prevедена pojmima upućuju na stvarno pravo a u pitanju je samo фактичко posjedovanje тајне. Узгред, „keeper“ nije држатељ, већ чувар. Holder je држатељ, држалац.					
infringer	počinitelj povrede	Article 2 (3)	BS HR	počinitelj povrede počinitelj povrede	Član 2. (1) c) „počinitelj povrede“ ili „prekršitelj“ jer	BS HR			BS HR	počinitelj povrede počinitelj povrede


			SR	починилац повреде	je kraće od opisnog termina "osoba koja je povrijedila poslovnu tajnu"	SR			SR	починилац повреде
infringing goods										
	roba kojom je počinjena повреда	Article 2 (4)	BS		Clan 2. (1) d) U skladu s izmijenom prethodnog termina	BS			BS	
			roba kojom je počinjena povreda						roba kojom je počinjena повреда	
			HR						roba kojom je počinjena повреда	
			SR						roba kojom je počinjena повреда	
										</



BOSNIA AND HERZEGOVINA
MINISTRY OF FINANCE
AND TREASURY

Број: 05-02-2-3771-2/24
Сарајево, 27.5.2024.године

БОСНА И ХЕРЦЕГОВИНА
Институт за интелектуалну својину
Босне и Херцеговине
Кнеза Домагоја 66
88000 Мостар



Предмет: Мишљење на нацрт Закона о заштити пословне тајне као права интелектуалне својине.

Веза: Ваш акт број:05-02-1-697-4/23CD од 21.5.2024. године

Везано за ваш допис, број наведен у вези, а којим се тражи Мишљење на нацрт Закона о заштити пословне тајне као права интелектуалне својине, у складу са одредбама члана 31. став (1) тачка е) Пословника о раду Савјета министара Босне и Херцеговине („Службени гласник БиХ“, број 22/03), дајемо

МИШЉЕЊЕ

1. Актом наведеним у вези, Институт за интелектуалну својину Босне и Херцеговине је, ради прибављања Мишљења о финансијском аспекту Закона, Министарству финансија и трезора Босне и Херцеговине доставио нацрт Закона о заштити пословне тајне као права интелектуалне својине, којим се уређују претпоставке правне заштите и правила поступка за заштиту пословне тајне као права интелектуалне својине од незаконитог прибављања, коришћења и откривања.
2. Министарство финансија и трезора Босне и Херцеговине размотрило је нацрт Закона и Образложење достављено у прилогу акта наведеног у вези те констатовало следеће:
 - у дијелу Образложења, који се односи на финансијска средства (тачка VI- Процјена финансијских средстава потребних за провођење Закона) наведено да за провођење овог Закона нису потребна додатна средства у буџету институција Босне и Херцеговине, буџетима ентитета и буџетима других нивоа власти.
 - Предлагач - носилац нормативног посла у прилогу је доставио Образац који је прописан у Анексу I - члану 12. Јединствених правила за израду правних прописа у институцијама Босне и Херцеговине („Службени гласник БиХ“, бр. 11/05, 58/14, 60/14, 50/17, 70/17 и 10/21) и то ОФП НЕ којим је у цијелости искључен утицај предметног Закона на буџет институција Босне и Херцеговине, буџете ентитета и буџете других нивоа власти.

Слиједом констатованог у тачки 2. овог мишљења, Министарство финансија и трезора Босне и Херцеговине нема примједби на финансијски аспект нацрта Закона о заштити пословне тајне као права интелектуалне својине.

С поштовањем,

ПРИЛОГ

-Образац број 2а о фискалној процјени утицаја



МИНИСТАР
Др Срђан Амиџић

OBRAZAC broj 2a O FISKALNOJ PROCJENI UTICAJA

OPJELJAK A. Nosilac normativnog posla		Obrazac OP-10	
Razdjel	KOD	NAZIV	
	0814	Institut za intelektualno vlasništvo	

OPJELJAK B. Osnovni podaci o propisu			
Vrsta propisa	Ustav	Ne	Poslovnik
	Sporazum	Ne	Odluka
	Zakon	Da	Uputstvo
Naziv propisa	Nacrta Zakona o zaštiti poslovne tajne kao prava intelektualnog vlasništva		

OPJELJAK C. Izjava o nepostojanju dodatnih fiskalnih uticaja na budzet		Ne	Pravilnik	Ne
Za provođenje ovog Zakona nisu potrebna dodatna sredstva u proračunu Bosne i Hercegovine, proračunima entiteta i proračunima nižih organa vlasti.		Ne	Drugi opći pravni akt	Ne

OPJELJAK D. Pečat i potpis odgovornog lica Institucije BiH	
Mjesto i datum	21.05.2024
Pečat	

OPJELJAK E. Mišljenje Ministarstva finansija i rezora	
---	--



Broj: 09-02-4-4777/24
Sarajevo, 28.5.2024. godine

BOSNA I HERCEGOVINA
INSTITUT ZA INTELEKTUALNO VLASNIŠTVO
Kneza Domagoja bb
88000 Mostar

05, Dolicu

BOSNA I HERCEGOVINA INSTITUT ZA INTELEKTUALNO VLASNIŠTVO 88000 MOSTAR		
PRIMLJENO:		
Opis posla	Datum prijema	Broj prijema
05	02-1-697-3/23SD	7/23

PREDMET: Mišljenje, dostavlja se

Veza: vaš akt broj: 05-02-1-697-3/23SD od 20.5.2024. godine

U vezi vašeg akta, broj i datum gornji, kojim od ovog ministarstva tražite mišljenje na Nacrt zakona o zaštiti poslovne tajne kao prava intelektualnog vlasništva (u daljnjem tekstu: Nacrt zakona), Ministarstvo pravde Bosne i Hercegovine je isti razmotrilo, te temeljem članka 31. stavak 1. točka b) Poslovnika o radu Vijeća ministara Bosne i Hercegovine („Službeni glasnik BiH“ broj: 22/03) daje

MIŠLJENJE


U Nacrtu zakona nedostaje preambula i istu je potrebno uvrstiti sukladno članku 5. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17 i 70/17).

U pogledu pitanja koja se odnose na sankcije, organizaciju i funkcioniranje tijela uprave Bosne i Hercegovine i njihove međusobne odnose, na tekst Nacrta zakona Ministarstvo pravde Bosne i Hercegovine nema primjedbi.

S poštovanjem,

DOSTAVLJENO:

- Naslovu,
- a/a.



MINISTAR
Davor Bunoza


BOSNA I HERCEGOVINA
Ministarstvo za ljudska prava i izbjeglice



00. Delićić
БОСНА И ХЕРЦЕГОВИНА
Министарство за људска права и избјеглице

BOSNIA AND HERZEGOVINA
Ministry for Human Rights and Refugees

Broj: 01-02-2-1467-2/24
Datum: 24.5.2024. godine



BOSNA I HERCEGOVINA
Institut za intelektualno vlasništvo
n/r gđin Josip Merdžo, direktor

PRIMLJENO:	
Organizacija:	Datum:
05-02-1-697-3/23SD	24.5.2024.

PREDMET: Mišljenje na Nacrt zakona o zaštiti poslovne tajne kao prava intelektualnog vlasništva, dostavlja se
VEZA: Vaš akt broj 05-02-1-697-3/23SD od 20.5.2024. godine

Poštovani,

Ministarstvo za ljudska prava i izbjeglice Bosne i Hercegovine, u smislu odredbe člana 31. stav (1) tačka c) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), razmotrilo je Nacrt zakona o zaštiti poslovne tajne kao prava intelektualnog vlasništva, te daje sljedeće

MIŠLJENJE

Nacrt zakona o zaštiti poslovne tajne kao prava intelektualnog vlasništva je izrađen u cilju usaglašavanja zakonske regulative sa normama, odnosno zakonodavstvom Evropske unije.

Ministarstvo za ljudska prava i izbjeglice Bosne i Hercegovine daje mišljenje u pogledu usklađenosti s propisima o ostvarivanju građanskih prava i sloboda i osnovnih sloboda međunarodnog humanitarnog prava, te prati provedbu Zakona o zabrani diskriminacije i daje mišljenje na usaglašenost propisa sa Zakonom o zabrani diskriminacije.


U vezi s naprijed navedenim mišljenja smo da Nacrt zakona o zaštiti poslovne tajne kao prava intelektualnog vlasništva nije u suprotnosti s odredbama Europske konvencije za zaštitu ljudskih prava i osnovnih sloboda i njezinih pratećih protokola i drugih međunarodnih ugovora iz oblasti ljudskih prava kojih je Bosna i Hercegovina potpisnica.

Kada je u pitanju usaglašenost sa odredbama Zakona o zabrani diskriminacije, mišljenja smo da bi predloženi Nacrt zakona trebao sadržavati definiciju diskriminacije, promovirati princip jednakosti i zabrane diskriminacije.

U skladu sa članom 26. stav (1) tačka f) Zakona o ravnopravnosti spolova u BiH („Službeni glasnik BiH“ broj 32/10) Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, u postupku pripreme nacrti i prijedloga zakona, podzakonskih i drugih normativnih akata, strategija, planova i programa daje mišljenje o usaglašenosti navedenih akata sa Zakonom o ravnopravnosti spolova u BiH i međunarodnim standardima o ravnopravnosti spolova.

Prema tome, Ministarstvo za ljudska prava i izbjeglice Bosne i Hercegovine daje **pozitivno mišljenje** na Nacrt zakona o zaštiti poslovne tajne kao prava intelektualnog vlasništva Instituta za intelektualno vlasništvo BiH.

S poštovanjem;



Dostavljeno: •

- naslovu
- a/a

